





三三三

史20-12



水經注



三三




Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

TIFFEN Color Control Patches © The Tiffen Company, 2007





水經注卷三十七

後魏酈道元撰

淹水

葉榆河

夷水

油水

澧水

沅水

浪水

淹水出越嶲遂久縣徼外

呂忱曰淹水一曰復水也

東南至青蛉縣

案青近刻作蜻下同

縣有禺同山其山神有金馬碧雞光景儻忽民多見之漢宣帝遣諫大夫王褒祭之欲致其雞馬褒道病

而卒是不果焉王褒碧雞頌曰敬移金精神馬縹縹碧雞故左太冲蜀都賦曰金馬騁光而絕影碧雞儵忽而耀儀

又東過姑復縣南東入于若水

淹水逕縣之臨池澤而東北逕雲南縣西東北注若水也

益州葉榆河出其縣北界屈從縣東北流

縣故滇池葉榆之國也漢武帝元封二年使唐蒙開之以為益州郡郡有葉榆縣縣西北八十里案近刻脫八字

有弔鳥山衆鳥千百為羣其會案其近刻作共嗚呼啁晰每

歲七八月至十六七日則止一歲六至雉雀來弔夜

燃火伺取之案伺近刻訛作而其無噉不食似特悲者以為

義則不取也俗言鳳凰死于此山故衆鳥來弔因名

弔鳥縣之東有葉榆澤葉榆水所鍾而為此川藪也

過不韋縣

縣故九隆哀牢之國也有牢山其先有婦人名沙壹

案近刻訛作壺居于牢山捕魚水中觸沈木若有感

因懷孕產十子後沈木化為龍出水九子驚走小子

不能去

案小近刻
說作一

背龍而坐龍因舐之

案舐近刻訛
作托據後漢

書及華陽國志改正其母烏語謂背為九謂坐為隆因名為九

隆

案華陽國志作元隆云
元隆猶漢言陪坐也

及長諸兄遂相共推九隆

為王後牢山下有一夫一婦生十女九隆皆以為妻

遂因孳育皆畫身像龍文衣皆著尾九隆死世世不

與中國通漢建武二十二年王遣兵來乘革船南下

案近刻脫來字又
此句之下衍水字

攻漢鹿芟民

案芟近刻訛
作崩下同

鹿芟民

弱小將為所擒于是天大震雷疾雨南風漂起水為

逆流波湧二百餘里革船沈沒溺死數千人後數年

復遣六王將萬許人攻鹿芟鹿芟王與戰殺六王哀

牢耆老共埋之其夜虎掘而食之明旦但見骸骨驚

怖引去乃懼謂其耆老小王曰哀牢犯徼自古有之

今此攻鹿芟輒被天誅中國有受命之王乎何天祐

之明也即遣使詣越巂奉獻

案近刻請訛作
道奉謹作奏

求乞內

附長保塞徼漢明帝永平十二年置為永昌郡

案昌
近刻

說作

郡治不韋縣蓋秦始皇徙呂不韋子孫于此故

以不韋名縣北去葉榆六百餘里葉榆水不逕其縣

案近刻脫
葉字下同

自不韋北注者盧倉禁水耳葉榆水自縣

南逕遂久縣東又逕姑復縣西與淹水合又東南逕永昌邪龍縣縣以建興三年劉禪分隸雲南于不韋縣為東北

東南出益州界

葉榆水自邪龍縣東南逕秦臧縣案近刻臧訛作南臧縣下有也字

與濮水同注滇池澤于連然雙柏縣也案近刻脫池字葉榆

水自澤又東北逕滇池縣南案逕近刻訛作流又東逕同竝

縣南又東逕漏江縣伏流山下復出蝮口謂之漏江

左思蜀都賦曰漏江汎流潰其阿汨若湯谷之揚濤

沛若濛汜之湧波諸葛亮之平南中也戰于是水之

南葉榆水又逕賁古縣北東與盤江合盤水出律高

縣東南監町山案監近刻訛作盤東逕梁水郡北賁古縣南

案梁水郡晉置領梁水賁古西隨三縣朱謀璋云當作卑水非也水廣百餘步深處

十丈甚有瘴氣朱褒之反案褒近刻訛作哀李恢追至盤江

者也建武十九年伏波將軍馬援上言從蒼冷出賁

古案蒼近刻訛作廩下同擊益州臣所將駱越萬餘人案駱越近刻訛

作越便習戰鬪者二千兵以上弦毒矢利以數發矢

注如雨所中輒死愚以行兵此道最便蓋承藉水利

用為神捷也盤水又東逕漢興縣山溪之中多生
竹枕榔樹樹出麩而夷人資以自給故蜀都賦曰
竹絲嶺又曰麩有枕榔盤水北入葉榆水諸葛亮
入南戰于盤東是也

入牂柯郡西隨縣北為西隨水又東出進桑關

進桑縣牂柯之南部都尉治也水上有關故曰進桑
關也故馬援言從卷冷水道出進桑王國至益州資
古縣轉輪通利蓋兵車資運所由矣自西隨至交趾
崇山接險水路三千里葉榆水又東南絕溫水而東

南注于交趾

過交趾卷冷縣北分為五水絡交趾郡中至南界復合

為三水

案南近刻
訛作東

東入海

尚書大傳曰堯南撫交趾于禹貢荊州之南垂幽荒
之外故越也周禮南八蠻雕題交趾有不粒食者焉
春秋不見于傳不通于華夏在海島人民鳥語秦始
皇開越嶺南立蒼梧南海交趾象郡漢武帝元鼎二
年始并百越啓七郡于是乃置交趾刺史以督領之
初治廣信所以獨不稱州時又建朔方明己始開北

垂

案明近刻
說作郡

遂辟交趾于南為子孫基址也菴冷縣

漢武帝元鼎六年開都尉治交州外域記曰

案州近
刻說作

郡越王令二使者典主交趾九真二郡民後漢遣伏

波將軍路博德討越王路將軍到合浦越王令二使

者齋牛百頭酒千鍾及二郡民戶口簿詣路將軍乃

拜二使者為交趾九真太守

案此下近
刻衍主字

諸雒將主民

如故交趾郡及州本治于此也州名為交州後朱載

維將子名詩索菴冷雒將女名徵側為妻側為人

膽勇將詩起賊

案詩近刻
說作妻

攻破州郡服諸雒將皆屬

徵側為王治菴冷縣復交趾九真二郡民二歲調賦

案復近刻
說作得

後漢遣伏波將軍馬援將兵討側詩走入

金溪究三歲乃得爾時西蜀竝遣兵共討側等悉定

郡縣為令長也山多大蛇名曰髯蛇長十丈圍七八

尺常在樹上伺鹿獸鹿獸過便低頭繞之有頃鹿死

先濡令濕訖便吞頭角骨皆鑽皮出山夷始見蛇不

動時便以大竹籤籤蛇頭至尾殺而食之以為珍異

故楊氏南裔異物志曰髯惟大蛇既洪且長采色駭

犖其文錦章食豕吞鹿腴成養創賓享嘉宴是豆是

鴈言其養創之時肪腴甚肥搏之以婦人衣投之則蟠而不起走便可得也北二水案北近刻左水東北

逕望海縣南建武十九年馬援征徵側置又東逕龍

淵縣北又東合南水水自菴冷縣東逕封溪縣北交

州外域記曰交趾昔未有郡縣之時土地有雒田其

田從潮水土下民墾食其田因名為雒民設雒王雒

侯主諸郡縣多為雒將雒將銅印青綬後蜀王子

將兵三萬來討雒王雒侯服諸雒將蜀王子因稱為

安陽王後南越王尉佗舉眾攻安陽王安陽王有神

人名臯通下輔佐為安陽王治神弩一張一發殺三

百人南越王知不可戰却軍住武寧縣按晉太康記

縣屬交趾越遣太子名始降服安陽王稱臣事之安

陽王不知通神人遇之無道通便去語王曰能持此

弩王天下不能持此弩者亡天下通去安陽王有女

名曰媚珠案媚近刻見始端正珠與始交通始問珠

令取父弩視之始見弩便盜以鋸截弩訖便逃歸報

南越王案近刻脫南越進兵攻之安陽王發弩弩折

遂敗安陽王下船逕出于海今平道縣後王宮城見

有故處晉太康地記縣屬交趾越遂服諸雒將馬援
 以西南治遠路逕千里分置斯縣治城郭穿渠通導
 溉灌以利其民縣有猩猩獸形若黃狗又狀豺貊人
 面頭顏端正善與人言音聲麗妙如婦人好女對語
 交言聞之無不酸楚其肉甘美可以斷穀窮年不厭
 又東逕浪泊馬援以其地高自西里進屯此又東逕
 龍淵縣故城南又東左合北水案北近刻建安二十
 三年立州之始蛟龍蟠編于南北二津案于下近刻故
 改龍淵以龍編為名也盧循之寇交州也交州刺史

杜慧度

案慧近刻作惠下同

率水步晨出南津以火箭攻之燒

其船艦

一時潰散循亦中矢赴水而死

案水近刻于訛作火

是斬之傳首京師慧度以斬循勲封龍編侯劉欣期

交州記曰龍編縣功曹左飛曾化為虎數月還作吏

既言其化亦化無不在牛哀易虎不識厥兄當其革

狀安知其譌變哉其水又東逕曲易縣東流注于浪

鬱經言于郡東界復合為三水此其二也

案二近刻訛作一

其次一水東逕封溪縣南又西南逕西于縣南又東

逕羸樓縣北又東逕北帶縣南又東逕稽徐縣涇水

注之水出龍編縣高山東南流入稽徐縣注于中水

中水又東逕羸樓縣南交州外域記曰縣本交趾郡

治也案縣本近刻林邑記曰自交趾南行案記曰下近刻有縣

本二字都官塞浦出焉其水自縣東逕安定縣北帶

長江江中有越王所鑄銅船潮水退時人有見之者

其水又東流隔水有泥黎城言阿育王所築也又東

南合南水南水又東南案近刻逕九德郡北交州外

域記曰交趾郡界有扶嚴究在郡之北隔渡一江卽

是水也江水對交趾朱載縣又東逕浦陽縣北又東

逕無切縣北建武十九年九月馬援上言臣謹與交

趾精兵萬二千人與大兵合二萬人船車大小二千

艘自入交趾于今爲盛十月援南入九真至無切縣

賊渠降進入餘發渠帥朱伯棄郡亡入深林巨藪犀

象所聚羊牛數千頭案羊近刻作羣時見象數十百爲羣援

又分兵入無編縣王莽之九真亭至居風縣帥不降

並斬級數十百九真乃靖其水又東逕句漏縣縣帶

江水江水對安定縣林邑記所謂外越安定紀粟者

也案安定下近刻衍縣字縣江中有潛牛形似水牛上岸鬪角

軟還入江水角堅復出又東與北水合又東注鬱亂
流而逝矣此其三也平撮通稱同歸鬱海故經有入
海之文矣

夷水出巴郡魚復縣江

夷水即俱山清江也水色清照十丈分沙石案近刻脫石字

蜀人見其澄清因名清江也昔廩君浮土舟于夷水

據捍關而王巴是以法孝直有言魚復捍關臨江據

水寔益州禍福之門夷水又東逕建平沙渠縣案近刻脫

渠縣有巫城水南岸山道五百里案水字近刻脫其水

歷縣東出焉

東南過俱山縣南

夷水自沙渠縣入案近刻訛作入縣水流淺狹裁得通船東

逕難留城南城即山也獨立峻絕西面上里餘得石

穴把火行百許步得二大石竝立穴中相去一丈

俗名陰陽石陰石常濕陽石常燥每水旱不調居民

作威儀服飾往入穴中旱則鞭陰石應時雨多雨則

鞭陽石俄而天晴相承所說往往有效但捉鞭者不

壽人頗惡之故不為也東北面又有石室可容數百

人每亂民入室避賊無可攻理因名難留城也昔巴
 蠻有五姓未有君長俱事鬼神乃共擲劍于石穴約
 能中者奉以為君案奉近刻訛作舉巴氏子務相乃中之又
 令各乘土舟約浮者當以為君惟務相獨浮因共立
 之是為廩君乃乘土舟從夷水下至鹽陽鹽水有神
 女謂廩君曰此地廣大魚鹽所出願留共居廩君不
 許鹽神暮輒來宿旦化為蟲羣飛蔽日天地晦暝積
 十餘日廩君因伺便射殺之天乃開明廩君乘土舟
 下及夷城夷城石岸險曲其水亦曲廩君望之而歎

山崖為崩廩君登之上有平石方二丈五尺因立城

其傍而居之四姓臣之死精魂化而為白虎故巴氏

以虎飲人血遂以人祀鹽水即夷水也又有鹽石即

陽石也案即下近刻衍鹽字盛弘之以是推之疑即廩君所射

鹽神處也將知陰石是對陽石立名矣案知下近刻衍是字事

既鴻古難為明徵夷水又東逕石室在層巖之上石

室南向水出其下懸崖千仞自水上徑望見案徑近刻訛作

逕逕每有陟山嶺者扳木側足而行莫知其誰村人駱

都小時到此室邊採蜜見一仙人坐石牀上見都凝

驢不轉都還招村人重往則不復見鄉人今名爲仙人室袁山松云都孫息尚存案息近刻作昔夷水又東與温

泉三水合大溪南北來岸有温泉對注夏煖冬熱上

常有霧氣瘍瘕百病案瘕近刻作疾浴者多愈父老傳此泉

先出鹽于今水有鹽氣夷水有鹽水之名此亦其一

也夷水又東逕佷山縣故城南縣卽山名也孟康曰

音恒出藥草恒山今世以銀爲音也舊武陵之屬縣

南一里卽清江東注矣南對長楊溪溪水西南潛穴

穴在射堂村東六七里谷中有石穴清泉潰流三十

許步復入穴卽長楊之源也水中有神魚大者二尺

小者一尺居民釣魚先陳所須多少拜而請之拜訖

投鉤餌案鉤近刻訛作鈞得魚過數者水輒波湧暴風卒起

樹木摧折水側生異花路人欲摘者皆當先請不得

輒取案輒近刻作扳水源東北之風井山迴曲有異勢穴口

穴如盆袁山松云夏則風出冬則風入春秋分則靜

余往觀之其時四月中去穴數丈須臾寒飄卒至案飄

近刻作標六月中尤不可當往人有冬過者置笠穴中風

吸之經月還步楊溪得其笠則知潛通矣其水重源

顯發北流注于夷水此水清冷甚于大溪縱暑伏之

辰尚無能澡其津流也縣北十餘里有神穴平居無

水時有渴者誠啓請乞輒得水或戲求者水終不出

縣東十許里至平樂村又有石穴出清泉中有潛龍

每至大旱平樂左近村居案平樂下近刻衍村字輦草穢著穴

中龍怒須臾水出蕩其草穢傍側之田皆得澆灌從

平樂順流五六里東亭村北山甚高峻上合下空空

竅東西廣二丈許起高如屋案竅近刻作微起高作高起中有石

牀案近刻訛作林甚整頓傍生野韭人往乞者神許則風吹

別分隨偃而輸不得過越不偃而輸輒凶往觀者去

時特平暨處自然恭肅矣

又東過夷道縣北

夷水又東逕虎灘岸石有虎像故因以名灘也夷水

又東逕釜瀨其石大者如釜小者如刁斗形色亂真

惟實中耳案惟實近刻訛作雜石夷水又東北有水注之其源

百里與丹水出西南望州山山形竦峻峰秀甚高東

北白巖壁立西南小演通行登其頂平可有三晦許

上有故城城中有水登城望見一州之境故名望州

山俗語訛今名武鍾山山根東有湧泉成溪即丹水所發也下注丹水天陰欲雨輒有赤氣故名曰丹水

矣丹水又逕亭下有石穴甚深朱嘗測其遠近穴中

蝙蝠大如烏多倒懸案近刻訛作大者悉多倒懸玄中記曰蝙蝠

百歲者倒懸得而服之使人神仙穴口有泉冬溫夏

冷秋則入藏春則出遊案二語言魚之出大此上當有脫文民至秋闌

斷水口得魚大者長四五尺骨軟肉美異于餘魚丹

水又逕其下積而為淵淵有神龍每旱村人以芮草

投淵上流魚則多死龍怒當時大雨丹水又東北流

兩岸石上有虎跡甚多或深或淺皆悉成就自然咸

非人工丹水又北注于夷水水色清澈與大溪同夷

水又東北逕夷道縣北而東注

東入于江

夷水又逕宜都北東入大江有涇渭之比亦謂之偃

山北溪水所經皆石山略無土岸其水虛映俯視遊

魚如乘空也淺處多五色石冬夏激素飛清傍多茂

木空岫靜夜聽之恒有清響百鳥翔禽哀鳴相和巡

頽浪者不覺疲而忘歸矣

油水出武陵孱陵縣西界

縣有白石山油水所出東逕其縣西與泥水合水出

高城縣泥山東逕其縣下東至孱陵縣入油水也

東過其縣北案此五字近刻
接上經西界下

縣治故城王莽更名孱陸也案陸近刻
說作陸劉備孫夫人

權妹也又更脩之其城背油向澤案此注近刻與
上注連為一節

又東北入于江

油水自孱陵縣之東北逕公安縣西又北流注于大

江

項家達校

澧水出武陵充縣西歷山東過其縣南

澧水自縣東逕臨澧零陽二縣故界水之南岸白石

雙立厥狀類人高各三十丈周四十丈古老傳言昔

充縣尉與零陽尉共論封境因相傷害化而為石東

標零陽西揭充縣充縣廢省案近刻脫
充縣二字臨澧即其地

縣即充縣之故治案近刻訛作縣
臨封縣之故治臨側澧水故為縣

名案故近
刻作即晉太康四年置澧水又東茹水注之水出

龍茹山水色清澈漏石分沙莊辛說楚襄王所謂飲

茹溪之流者也茹水東注澧水案注近刻
訛作流

水經注

卷三

五

又東過零陽縣之北

澧水東與溫泉水會水發北山石穴中長三十丈冬夏沸湧常若湯焉溫水南流注于澧水澧水又東合零溪水源南出零陽之山歷溪北注澧水澧水又東九渡水注之水南出九渡山山下有溪又以九渡為名山獸咸飲此水而逕越他津皆不飲之九渡水北逕仙人樓下傍有石形極方峭世名之為仙樓水自下歷溪曲折逶迤傾注行者間關每所窅沂山水之號蓋亦因事生焉九渡水又北流注于澧水澧水又

東婁水入焉水源出巴東界東逕天門郡婁中縣北

又東逕零陽縣注于澧水澧水又東逕零陽縣南縣

即零溪以著稱矣案縣即近刻澧水又逕溇陽縣案

近刻訛作右會溇水案近刻重水出建平郡東逕溇

陽縣南晉太康中置溇水又左合黃水黃水出零陽

縣西北連巫山溪出雄黃頗有神異採常以冬月祭

祀鑿石深數丈方得佳黃故溪水取名焉黃水北流

注于溇水溇水又東注澧水謂之溇口澧水又東逕

澧陽縣南南臨澧水晉太康四年立天門郡治也吳

永安六年武陵郡嵩梁山案郡下近刻衍有字高峰孤竦素壁

千尋望之茗亭有似香爐其山洞開玄朗如門高三

百丈廣二百丈門角上各生一竹倒垂下拂謂之天

帚案近刻脫此十五字孫休以為嘉祥分武陵置天門郡澧水

又東歷層步山高秀特出山下有峭澗泉流所發南

流注于澧水

又東過作唐縣北

作唐縣後漢分孱陵縣置澧水入縣左合涔水水出

西北天門郡界南流逕涔坪屯案坪近刻訛作評屯竭涔水

溉田數千頃又東南流注于澧水澧水又東澹水出

焉澧水又南逕故郡城東東轉逕作唐縣南澧水又

東逕南安縣南案南安近刻訛作安南晉太康元年分孱陵立

澹水注之水上承澧水于作唐縣東逕其縣北又東

注于澧謂之澹口王仲宣贈士孫文始詩曰案近刻脫士字

悠悠澹澹者也澧水又東與赤沙湖水會湖水北通

江而南注澧謂之沙口案沙口近刻訛作沙口澧水又東南注

于沅水曰澧口蓋其枝瀆耳離騷曰沅有芷兮澧有

蘭

又東至長沙下雋縣西北東入于江

澧水流注于洞庭湖俗謂之曰澧江口也

沅水出牂柯且蘭縣為旁溝水又東至鐔成縣為沅水

東過無陽縣

無水出故且蘭南流至無陽故縣縣對無水

案近刻脫一縣字因以氏縣無水又東南入沅謂之無口沅水東逕

無陽縣南臨蓮水水源出東南岸許山西北逕其縣

南流注于熊溪熊溪南帶移山山本在水北夕中風

雨旦而山移水南故山以移為名蓋亦蒼梧郁州東

武怪山之類也

沅水又東逕辰陽縣縣有龍溪水南出于龍嶠之山

北流入于沅沅水又東

水南出扶陽之山北流會于沅沅水又東與序溪合

水出武陵郡義陵縣酈梁山

陵縣王莽之建平縣也治序溪其城劉備之秭歸馬

良出五溪

脩作無廢又西北入于沅沅水又東合澍水水導源

案亦近刻訛作以東武怪山訛作佐山

案近刻脫一沅字又東訛作又一

案武近刻訛作義

案馬近刻訛作焉脫良字

案良近刻訛作亮

激溪案激近刻北流注沅沅水又東逕辰陽縣南東

合辰水水出縣三山谷東南流獨母水注之水源南

出龍門山歷獨母溪北入辰水辰水又逕其縣北舊

治在辰水之陽故即名焉楚辭所謂夕宿辰陽者也

王莽更名會亭矣辰水又有會沅水名之為辰溪口

武陵有五溪謂雄溪楠溪無溪西溪案楠溪下近刻

辰溪其一焉夾溪悉是蠻左所居案左下近刻故謂此

蠻五溪蠻也水又逕沅陵縣西有武溪源出武山與

酉陽分山水源石上有盤瓠跡猶存矣盤瓠者高辛

氏之畜狗也其毛五色高辛氏患犬戎之暴乃募天

下有能得犬戎之將軍吳將軍頭者妻以少女下令

之後盤瓠遂銜吳將軍之首于闕下帝大喜未知所

報女聞之以為信不可違請行乃以配之盤瓠負女

入南山案女近刻上石室中所處險絕人跡不至帝

悲思之遣使不得進經二年生六男六女盤瓠死因

自相夫妻織績木皮染以草實好五色衣裁製皆有

尾案製近刻其母白帝賜以名山其後滋蔓號曰蠻

夷今武陵郡夷即盤瓠之種落也其狗皮毛嫡孫世

寶錄之武水南流注于沅沅水又東施水注之水南

出施山溪源有陽欺崖崖色純素望同積雪下有二

石室案近刻脫室字先有人居處其間細泉輕流望川競注

故不可得以言也案近刻脫得字施水北流會于沅沅水又

東逕沅陵縣北漢故頃侯吳陽之邑也王莽改曰沅

陸縣北枕沅水沅水又東逕縣故治北移縣治縣之

舊城置都尉府因岡傍阿勢盡川陸臨沅對酉二川

之交會也酉水導源益州巴郡臨江縣故武陵之充

縣酉源山東南流逕無陽故縣南又東逕遷陵故縣

界與西鄉溪合即延江之枝津更始之下流謂之西

鄉溪口酉水又東逕遷陵縣故城北案近刻重一城字王莽

更名曰遷陸也酉水東逕酉陽故縣南縣故酉陵也

酉水又東逕沅陵縣北又東南逕潘承明壘西承明

討五溪蠻營軍所築也其城跨山枕谷酉水又南注

沅水闕駟謂之受水其水所決入名曰酉口沅水又

逕寶應明城側應明以元嘉初伐蠻所築也沅水又

東案又下近刻衍合字溪水南出茗山山深迴險人獸阻絕溪

水北瀉沅川案近刻川下衍水字沅水又東與諸魚溪水合水

北出諸魚山與天門郡之灃陽縣分嶺溪水南流

會于沅

案溪水下近刻術合字

沅水又東夷水入焉水南出夷

山北流注沅夷山東接壺頭山山高一百里廣圓三

百里山下水際有新息侯馬援征武溪蠻停軍處壺

頭徑曲多險其中紆折千灘援就壺頭希效早成道

遇瘴毒終沒于此忠公獲謗信可悲矣劉澄之曰沅

水自壺頭枝分跨三十三渡逕交趾龍編縣東北入

于海脈水尋梁乃非關究但古人許以傳疑聊書所

聞耳

又東北過臨沅縣南

臨沅縣與沅南縣分水沅南縣西有夷望山孤竦中

流浮險四絕昔有蠻民避寇居之故謂之夷望也

刻脫南有夷望溪水南出重山遠注沅沅水又東得

之字關下山東帶關溪瀉注沅瀆沅水又東歷臨沅縣西

為明月池白壁灣灣狀半月清潭鏡澈上則風籟空

傳下則泉響不斷行者莫不擁楫嬉游徘徊愛玩沅

水又東歷三石澗鼎足均峙秀若削成其側茂竹便

娟致可玩也又東帶綠蘿山綠蘿蒙羃巖臨水寔

釣渚漁詠之勝地其迭響若鍾音信為神仙之所居

沅水又東逕平山西南臨沅水寒松上蔭清泉下注

栖託者不能自絕于其側沅水又東逕臨沅縣南縣

南臨沅水因以為名王莽更之曰監沅也縣南有晉

徵士漢壽人襲玄之墓案人近刻訛作詩襲訛作襲銘太元中車

武子立縣治武陵郡下本楚之黔中郡矣秦昭襄王

二十七年使司馬錯以隴蜀軍攻楚楚割漢北與秦

案近刻脫至三十年秦又取楚巫黔及江南地案近刻脫

秦以為黔中郡漢高祖二年割黔中故治為武陵郡

王莽更之曰建平也南對沅南縣後漢建武中所置

也縣在沅水之陰因以沅南為名縣治故城昔馬援

討臨鄉所築也沅水又東歷小灣謂之枉渚渚東里

許便得枉人由山西帶脩溪一百餘里案脩近刻訛作循茂

竹便娟披溪蔭渚長川逕引遠注于沅沅水又東入

龍陽縣有澹水出漢壽縣西楊山南流東折逕其縣

南縣治索城即索縣之故城也漢順帝陽嘉中改從

今名闕駟以為興水所出東入沅而是水又東歷諸

湖方南注沅亦曰漸水也水所入之處謂之鼎口沅

水又東歷龍陽縣之汜洲洲長二十里吳丹楊太守

李衡案楊近刻植柑于其上臨死勅其子曰吾州里

有木奴千頭案州近刻不責衣食歲絹千匹太史公

曰江陵千樹橘可當封君此之謂矣吳末衡柑成歲

絹千匹今洲上猶有陳根餘枿蓋其遺也沅水又東

逕龍陽縣北城側沅水沅水又東合壽溪內通大溪

口有水連理根各一岸而凌寔交合其上承諸湖下

注沅水

又東至長沙下雋縣西北入于江

沅水下注洞庭湖方會于江

浪水出武陵鐔成縣北界沅水谷案成近刻詭作城下同

山海經曰禱過之山浪水出焉而南流注于海是也

南至鬱林潭中縣與鄰水合

水出無陽縣故鐔成也晉義熙中改從今名俗謂

之移溪溪水南歷潭中注于浪水

又東至蒼梧猛陵縣為鬱溪又東至高要縣為大水

鬱水出鬱林之阿林縣案近刻東逕猛陵縣猛陵縣

在廣信之西南王莽之猛陸也浪水于縣左合鬱溪

亂流逕廣信縣地理志蒼梧郡治武帝元鼎六年開
 王莽之新廣郡縣曰廣信亭王氏交廣春秋曰元封
 五年交州自羸樓縣移治于此建安十六年吳遣臨
 淮步騭為交州刺史將武吏四百人之交州道路不
 通蒼梧太守長沙吳巨案近刻說作臣下同擁衆五千騭有疑
 于巨先使諭巨巨迎之于零陵遂得進州巨既納騭
 而後有悔騭以兵少恐不存立巨有都督區景勇畧
 與巨同士為用騭惡之陰使人請巨巨往告景勿詣
 騭騭請不已景又往乃于廳事前中庭俱斬以首徇

衆卽此也鬱水又逕高要縣晉書地理志曰縣東去

郡五百里刺史夏避毒徙縣水居也縣有鵠奔亭廣

信蘇施妻始珠鬼訟于交州刺史何敞處事與蔡亭

女鬼同案蔡亭古字通原本及近刻並訛作釐亭今改正蔡亭事詳渭水注內王氏交

廣春秋曰步騭殺吳巨區景使嚴舟船合兵二萬下

取南海蒼梧人衡毅錢博宿巨部伍興軍逆騭于蒼

梧高要峽口兩軍相逢于是遂交戰毅與衆投水死

其者千有餘人

又東至南海番禺縣西分為二其一南入于海

鬱水分浪南注

其一又東過縣東南入于海

浪水東別逕番禺山海經謂之賁禺者也交州治中

合浦姚文式問云何以名為番禺答曰南海郡昔治

在今州城中與番禺縣連接今入城東南偏有水坑

陵城倚其上聞此縣人名之為番禺縣名番禺儻謂

番山之禺也漢書所謂浮牂柯下離津同會番禺蓋

乘斯水而入越也

案而近刻訛作西

秦并天下略定揚越

案揚

近刻訛作楊

置東南一尉西北一候開南海以謫徙民至

二世時南海尉任囂召龍川令趙佗曰聞陳勝作亂

豪桀叛秦吾欲起兵阻絕新道番禺負險可以為國

會病綿篤無人與言故召公來告以大謀囂卒佗行

南海尉事則拒關門設守以法誅秦所置吏以其黨

為守自立為王高帝定天下使陸賈就立佗為南越

王

案近刻脫南字

剖符通使至武帝元鼎五年遣伏波將軍

路博德等攻南越五世九十二歲而亡以其地為

南海蒼梧鬱林合浦交趾九真日南也建安中吳遣

步騭為交州騭到南海見土地形勢觀尉佗舊治處

負山帶海博敞渺目高則柔土下則沃行林麓鳥獸
于何不有海怪魚鼈龜鼉鮮鱗珍怪異物千種萬類
不可勝記侂因岡作臺北面朝漢圓基千步直峭百
丈頂上三晦復道迴環透池曲折朔望升拜名曰朝
臺前後刺史郡守遷除新至未嘗不乘車升履于焉
逍遙隴登高遠望觀巨海之浩茫觀原藪之殷阜乃
曰斯誠海島膏腴之地宜爲都邑建安二十二年遷
州番禺築立城郭綏和百越遂用寧集交州治中姚
文式問答云朝臺在州城東北三十里裴淵廣州記

曰城北有尉佗墓墓後有大岡謂之馬鞍岡秦時占
氣者言南方有天子氣始皇發民鑿破此岡地中出
血今鑿處猶存以狀取目故岡受厥稱焉王氏交廣
春秋曰越王趙佗生有奉制稱藩之節死有秘與神
密之墓佗之葬也因山爲墳其壙瑩可謂奢大葬積
珍玩吳時遣使發掘其墓求索棺柩鑿山破石費日
損力卒無所獲佗雖奢僭慎終其身乃令後人不知
其處有似松喬遷景牧豎固無所殘矣鄧德明南康
記曰昔有盧耽仕州爲治中少棲仙術善解雲飛每

夕輒凌虛歸家曉則還州嘗于元會至朝不及朝列

化為白鵠至闕前案闕近刻迴翔欲下威儀以石擲

之得一隻履眈驚還就列內外左右莫不駭異時步

騰為廣州意甚惡之硬以狀列聞遂至誅滅廣州記

稱吳平雷滕脩案近刻訛為刺史脩鄉人語脩鰓鬚

長一赤案古字尺脩責以為虛案責字近刻其人乃

至東海取鰓鬚長四赤速送示脩脩始服謝案服近

復厚為遣其一水南入者鬱川分派逕四會入海也

其一即川東別逕番禺城下漢書所謂浮牂柯下離

津同會番禺蓋乘斯水而入于越也浪水又東逕懷

化縣入于海水有鰓魚裴淵廣州記曰鰓魚長二丈

大數圍皮皆鱗物生子子小隨母覩食驚則還入母

腹吳錄地理志曰鰓魚子朝索食暮入母腹南越志

曰暮從臍入且從口出腹裏兩洞腸貯水以養子腸

容二子兩則四焉

其餘水又東至龍川為涅水屈北入員水案此十六字

就訛入注內連接上下注文今改正考注稱浪水枝津

衍注即解其餘水也又稱逕博羅縣西界龍川即解東

至龍川也下經員水又東南即承此員水言也

浪水枝津衍注自番禺東歷增城縣南越志曰縣多

鷄鷄鷄鷄山雞也光采鮮明案采近刻訛作色五色炫耀利

距善鬪世以家雞鬪之則可擒也又逕博羅縣西界

龍川左思所謂目龍川而帶坳者也趙佗乘此縣而

跨據南越矣

員水又東南一千五百里入南海

東歷揭陽縣王莽之南海亭而注于海也

水經注卷三十七

水經注卷三十八

後魏 酈道元 撰

資水 漣水 湘水

灘水 溱水

資水出零陵都梁縣路山

資水出武陵郡無陽縣界唐紆山蓋路山之別名也

謂之大溪水東北逕邵陵郡武岡縣南縣分都梁之

所置也縣左右二岡對峙重阻齊秀間可二里舊傳

後漢伐五溪蠻蠻保此岡故曰武岡縣卽其稱焉大

溪逕建興縣南又逕都梁縣南

案近刻脫縣字

漢武帝元朔

五年以封長沙定王子敬侯遂之邑也

案遂近刻訛作定

縣

西有小山山上有淳水既清且淺其中悉生蘭草綠

葉紫莖芳風藻川蘭馨遠馥俗謂蘭為都梁山因以

號縣受名焉

東北過夫夷縣

夫水出縣西南零陵縣界少延山東北流逕扶縣南

案扶下近刻行陽字

本零陵之夫夷縣也漢武帝元朔五年以

封長沙定王子敬侯義之邑也夫水又東注邵陵水

謂之邵陵浦水口也

案水字近刻訛在口字下

東北過邵陵縣之北

縣治郡下南臨大溪水逕其北謂之邵陵水魏咸熙

二年吳寶鼎元年孫皓分零陵北部立邵陵郡于邵

陵縣縣故昭陵也

案昭近刻訛作邵

溪水東得高平水口

案水

近刻訛作又

水出武陵郡沅陵縣首望山西南逕高平縣

案逕近刻訛作流

又東入邵陵縣界南入于邵水邵水又

東會雲泉水水出零陵永昌縣雲泉山西北流逕邵

陽南縣故昭陽也

案昭陽朱謀埠云疑作昭陵非也今攷郡國志昭陽屬零陵郡昭陵

屬長沙郡雲泉水又北注邵陵水謂之邵陽水口自下東北出益陽縣其間逕流山峽名之爲茱萸江蓋水變名也

又東北過益陽縣北

縣有關羽瀨所謂關侯灘也南對甘寧故壘昔關羽屯軍水北孫權令魯肅甘寧拒之于是水寧謂肅曰羽聞吾咳唾之聲不敢渡也渡則成擒矣羽夜聞寧處分曰興霸聲也遂不渡茱萸江又東逕益陽縣北又謂之資水應劭曰縣在益水之陽今無益水亦或

資水之殊目矣然此縣之左右處處有深潭漁者咸輕舟委浪謠詠相和羅君章所謂其聲綿邈者也水南十里有井數百口淺者四五尺或三五丈深者亦不測其深古者相傳昔人以杖撞地輒便成井或云古人采金沙處莫詳其實也

又東與沅水合于湖中東北入于江也

湖卽洞庭湖也所入之處謂之益陽江口

漣水出連道縣西資水之別

水出邵陵縣南逕連道縣縣故城在湘鄉縣西百

六十里控引眾流合成一溪東入衡陽湘鄉縣歷石

魚山下多立石山高八十餘丈廣十里石色黑而理

若雲母開發一重輒有魚形鱗踏首尾案踏近刻作鱗宛若

刻畫長數寸魚形備足燒之作魚膏腥因以名之漣

水又逕湘鄉縣南臨漣水本屬零陵長沙定王子昌

邑案昌受封于建平四年去定王已遠漢書但云長沙王子此定字或後人誤加漣水又屈

逕其縣東而入湘南縣也

東北過湘南縣南又東北至臨湘縣西南東入于湘

漣水自湘南縣東流至衡陽湘西縣界入于湘水也

于臨湘縣為西南者矣

湘水出零陵始安縣陽海山

即陽朔山也應劭曰湘出零山案零下近刻衍陵字蓋山之殊

名也山在始安縣北縣故零陵之南部也魏咸熙二

年孫皓之甘露元年立始安郡湘漣同源分為二水

南為漣水北則湘川東北流羅君章湘中記曰湘水

之出于陽朔則觴為之舟至洞庭日月若出入于其

中也

東北過零陵縣東

水經注

卷之...

四

越城嶠水南出越城之嶠嶠卽五嶺之西嶺也秦置

五嶺之戍是其一焉北至零陵縣下注湘水湘水又

逕零陵縣南又東北逕觀陽縣案近刻脫縣字與觀水合水

出臨賀郡之謝沐縣界西北逕觀陽縣西縣蓋卽水

爲名也又西北流注于湘川謂之觀口也

又東北過洮陽縣東

洮水出縣西南太山東北逕其縣南卽洮水以立稱

矣漢武帝元朔五年封長沙定王子節侯拘爲侯國

案節侯拘有脫誤史記作靖侯拘王莽更名之曰洮治也

其水東流注于湘水

又東北過泉陵縣西

營水出營陽冷道縣南山案南下近刻衍流字西流逕九疑山

下蟠基蒼梧之野峯秀數郡之間羅巖九舉各導一

溪岫壑負阻異嶺同勢遊者疑焉故曰九疑山大舜

之其陽商均葬其陰山南有舜廟前有石碑文字缺

落不可復識自廟仰山極高直上可百餘里古老相

傳言未有登其峯者山之東北冷道縣界又有舜廟

縣南有舜碑碑是零陵太守徐儉立營水又西逕營

道縣馮水注之水出臨賀郡馮乘縣東北馮岡其水

導源馮溪西北流案馮溪二字近刻訛在下句縣字下縣以託名焉馮

水帶約衆流渾成一川謂之北渚歷縣北西至關下

關下地名也是商舟改裝之始馮水又左合萌渚之

水水南出于萌渚之嶠五嶺之第四嶺也其山多錫

亦謂之錫方矣渚水北逕馮乘縣西而北注馮水馮

水又逕營道縣而右會營水營水又西北屈而逕營

道縣西王莽之九疑亭也營水又東北逕營浦縣南

營陽郡治也魏咸熙二年吳孫皓分零陵置在營水

之陽故以名郡矣營水又北都溪水注之水出春陵

縣北二十里仰山南逕其縣西縣本冷道縣之春陵

鄉蓋因春溪為名矣漢長沙定王分以為縣武帝元

朔五年封王申子買為春陵侯案近刻侯上衍節字縣故城東

又有一城東西相對各方百步古老相傳言漢家舊

城漢稱猶存知是節侯故邑也城東角有一碑文字

缺落不可復識東南三十里尚有節侯廟都溪水又

南逕新寧縣東案近刻縣脫寧字東傍都溪溪水又西逕縣

南左與五溪俱會縣有五山山有一溪五水會于縣

門案縣近刻訛作露故曰都溪也都溪水自縣又西北流逕

冷道縣北與冷水合水南出九疑山北流逕其縣西

南縣指冷溪以即名王莽之冷陵縣也冷水又北流

注于都溪水又西北入于營水營水又北流案營近刻訛作

溪入營陽峽案入字近刻作注于二字又北至觀陽縣而出于峽

大小二峽之間為沿游之極艱矣營水又西北逕泉

陵縣西漢武帝元朔五年案近刻脫帝字以封長沙定王子

節侯賢之邑也王莽名之曰溥潤零陵郡治故楚矣

漢武帝元鼎六年分桂陽置太史公曰舜葬九疑寔

惟零陵案此下近刻有或作零郡四字係衍文郡取名焉王莽之九疑

郡也下邳陳球為零陵太守桂陽賊胡蘭攻零陵激

流灌城球輒于內因地勢反決水淹賊相拒不能下

縣有白土鄉零陵先賢傳曰鄭產字景載泉陵人也

為白土嗇夫漢末多事國用不足產子一歲輒出口

錢民多不舉子產乃勸民勿得殺子口錢當自代出

產言其郡縣為表上言錢得除更名白土為更生鄉

也晉書地道記曰案記近刻訛作志縣有香茅氣甚芬香言

貢之以縮酒也營水又北流注于湘水湘水又東北

與應水合水出邵陵縣歷山嵯墜險阻峻峭萬尋澄
 源湛于下應水湧于上東南流逕應陽縣南晉分觀
 陽縣立蓋卽應水爲名也應水又東南流逕有鼻墟
 南王隱曰應陽縣本泉陵之北部案陵近刻東五里
 有鼻墟言象所封也山下有象廟言甚有靈能興雲
 雨余所聞也聖人之神曰靈賢人之精氣爲鬼象生
 不慧死靈何寄乎應水又東南流而注于湘水湘水
 又東北得沱口水出永昌縣北羅山東南流逕石燕
 山東其山有石紺而狀燕因以名山其石或大或小

若母子焉及其雷風相薄則石燕羣飛頡頏如真燕
 矣羅君章云今燕不必復飛也其水又東南逕永昌
 縣南又東流注于湘水又東北逕祁陽縣南又有餘
 溪水注之水出西北邵陵郡邵陵縣東南流注于湘
 其水案此下近揚清汎濁水色兩分湘水又北與宜
 溪水合水出湘東郡之新寧縣西南新平故縣東新
 寧故新平也衆川瀉浪共成一津西北流東岸山下
 有龍穴宜水逕其下天旱則擁水注之便有雨降宜
 水又西北注于湘湘水又西北得春水口水上承營

陽春陵縣西北潭山又北逕新寧縣東又西北流注于湘水也

又東北過重安縣東又東北過酃縣西承水從東南來注之

承水出衡陽重安縣西邵陵縣界邪薑山東北流至重安縣逕舜廟下廟在承水之陰又東合略塘相傳云此塘中有銅神今猶時聞銅聲于水水輒變綠作銅腥魚為之死承水又東北逕重安縣南漢長沙頃王子度邑也

案度近刻訛作虔

故零陵之鍾武縣王莽更名

曰鍾桓也武水入焉水出鍾武縣西南表山東流至

鍾武縣故城南而東北流至重安縣注于承水至湘

東臨承縣北東注于湘謂之承口臨承即故酃縣也

縣即湘東郡治也郡舊治在湘水東故以名郡魏正

元二年吳主孫亮分長沙東部立縣有石鼓高六尺

湘水所逕鼓鳴則土有兵革之事羅君章云扣之聲

聞數十里此鼓今無復聲觀陽縣東有裴巖其下有

石鼓形如覆船扣之清響遠徹其類也湘水又北

刻訛作北又歷印石石在衡山縣南湘水右側

案近刻訛作衡水縣

南江水案此下近盤石或大或小臨水刻衍而字石悉有跡其

方如印纍然行列無文字如此可二里許因名為印

石也湘水又北逕衡山縣東山在西南有三峯一名

紫蓋一名石困案近刻脫一名芙蓉案容近刻芙蓉訛作峯

峯最為竦傑案近刻自遠望之蒼蒼隱天故羅含云

望若陣雲非清霄素朝不見其峯丹水湧其左澧泉

流其右山經謂之响嘯案此下近為南嶽也山下有

舜廟南有祝融冢楚靈王之世山崩毀其墳得營丘

九頭圖禹治洪水案近刻血馬祭山得金簡玉字之

脫禹字

書芙蓉峯之東有仙人石室學者經過往往聞諷誦

之音矣衡山東南二面臨映湘川自長沙至此江湘

七百里中有九向九背案近刻脫故漁者歌曰帆隨

湘轉望衡九面山上有飛泉下注下映青林直注山

下望之若幅練在山矣湘水又東北逕湘南縣東又

歷湘西縣南分湘南置也衡陽郡治魏甘露二年案

露近刻說吳孫亮分長沙西部立治晉湘南太守何

承天案近刻徙治湘西矣案治近刻十三州志曰日

華水出桂陽郴縣日華山案近刻西至湘南縣入湘

地理志曰郴縣有耒水出耒山西至湘南西入湘湘水又北逕麓山東其山東臨湘川西旁原隰息心之士多所萃焉

又東北過陰山縣西沘水從東南來注之又北過醴陵

縣西漉水從東南來注之案近刻脫南來一字

續漢書五行志曰建安八年長沙醴陵縣有大山常

鳴如牛响聲積數年後豫章賊攻沒縣亭殺掠吏民

因以為候湘水又北逕建寧縣案此下原本及近刻有而旁湘水縣北六

字係訛外衍文歸有光本所無今刪去有空冷峽驚浪雷奔濬同三峽

湘水又北逕建寧縣故城下晉太始中立

又北過臨湘縣西瀏水從縣西北流注案注下近刻有之字

縣南有石潭山湘水逕其西山有石室石牀臨對清

流湘水又北逕昭山西案近刻脫湘字山下有旋泉深不可

測故言昭潭無底也亦謂之曰湘州潭湘水又北逕

南津城西西對橘洲案此四字亦為南津注內之小注或作吉字

洲尾水西有橘洲子成故郭尚存湘水又北左會瓦

官水口湘浦也又逕船官西湘洲商舟之所次也北

對長沙郡郡在水東州城南舊治在城中後乃移此

湘水左逕麓山東上有故城山北有白露水口湘浦也又右逕臨湘縣故城西縣治湘水濱臨川側故卽名焉王莽改號撫陸故楚南境之地也案近刻脫楚字秦滅

楚立長沙郡卽青陽之地也秦始皇二十六年令曰

案近刻脫此二字荆王獻青陽以西漢書鄒陽傳曰越水長

沙還舟青陽注張晏曰青陽地名也蘇林曰青陽長

沙縣也漢高祖五年以封吳芮爲長沙王是城卽芮

築也漢景帝二年封唐姬子發爲王都此王莽之鎮

蠻郡也于禹貢則荆州之域晉懷帝以永嘉元年分

荆州湘中諸郡立湘州治此城之內郡廡西有陶侃

廟案近刻脫有字云舊是賈誼宅地中有一井是誼所鑿極

小而深上斂下大其狀似壺傍有一腳石牀纔容一

人坐形流俗相承云誼宿所坐牀又有大柑樹亦云

誼所植也城之西北有故市北對臨湘縣之新治縣

治西北有北津城縣北有吳芮冢廣踰六十八丈登

臨寫目爲廕郭之佳憩也郭頌世語云魏黃初末吳

人發芮冢取木于縣立孫堅廟見芮尸容貌衣服竝

如故吳平後與發冢人于壽春見南蠻校尉吳綱曰

君形貌何類長沙王吳芮乎但君微短耳綱瞿然曰
 是先祖也自芮卒至冢發四百年至見綱又四十餘
 年矣湘水左合誓口又北得石榔口竝湘浦也右合
 麻溪水口湘浦也湘水又北逕三石山東山枕側湘
 川北即三石水口也湘浦矣案近刻脫矣字水北有三石成
 成城為二水之會也湘水又逕瀏口成西北對瀏水
 又北瀉水從西南來注之

瀉水出益陽縣馬頭山東逕新陽縣南晉太康元年
 改曰新康矣瀉水又東入臨湘縣歷瀉口成東南注

湘水湘水又北合斷口又北則下營口湘浦也湘水
 之左岸有高口水出益陽縣西北逕高口成南又西
 北上鼻水自鼻洲上口受湘西入焉謂之上鼻浦高
 水西北與下鼻浦合案西近刻訛作南水自鼻洲下口首受
 湘川西通高水謂之下鼻口高水又西北右屈為陵
 子潭東北流注湘為陵子口湘水自高口成東又北
 右會鼻洲左合上鼻口又北右對下鼻口又北得陵
 子口湘水右岸銅官浦出焉湘水又北逕銅官山西
 臨湘水山土紫色內含雲母故亦謂之雲母山也

又北過羅縣西澗水從東來流注案注下近刻有之字

湘水又北逕錫口戍東又北左派謂之錫水西北流

逕錫口戍北又西北流屈而東北注玉池口錫水又東北

北玉池東南流注于錫浦謂之玉池口錫水又東北

東湖水注之水上承玉池之東湖也南注于錫案注近刻

說作流謂之三陽涇案近刻作逕下門涇三津涇荷導涇並同水南有三戍

又東北注于湘湘水自錫口北出又得望屯浦湘浦

也湘水又北枝津北出案近刻脫出字謂之門涇也湘水紆

流西北東北合門水謂之門涇口又北得三溪水口

水東承大湖案大近刻說作太下同西通湘浦三水之會故得

三溪之目耳又北東會大對水口西接三津涇湘水

又北逕黃陵亭西右合黃陵水口案右近刻說作又其水上

承大湖湖水西流逕二妃廟南世謂之黃陵廟也言

大舜之陟方也二妃從征溺于湘江神遊洞庭之淵

出入瀟湘之浦瀟者水清深也湘中記曰湘川清照

五六丈下見底石如擣蒲矢案近刻說作如擣蒲矣五色鮮明

白沙如霜雪赤崖若朝霞是納瀟湘之名矣故民為

立祠于水側焉荊州牧劉表刊石立碑樹之于廟以

旌不朽之傳矣黃水又西流入于湘謂之黃陵口昔王子中有異才案與近刻年二十而得惡夢作夢賦

二十一溺死于湘浦卽斯川矣湘水又北逕白沙戍

西又北右會東町口澗水也湘水又左合決湖口水

出西陂東通湘渚湘水又北汨水注之水東出豫章

艾縣桓山西南逕吳昌縣北與純水合水源出其縣

東南純山西北流又東逕其縣南又北逕其縣故城

下縣是吳主孫權立純水又右會汨水汨水又西逕

羅縣北本羅子國也故在襄陽宜城縣西楚文王移

之于此秦立長沙郡案立字近刻因以爲縣水亦謂

之羅水案縣近刻訛作汨水又西逕玉笥山羅含湘

中記云屈潭之左有玉笥山道士遺言此福地也一

曰地腳山汨水又西爲屈潭卽汨羅淵也案近刻屈

原懷沙自沈于此故淵潭以屈爲名昔賈誼史遷皆

嘗逕此弭楫江波投弔于淵淵北有屈原廟廟前有

碑又有漢南太守程堅碑寄在原廟汨水又西逕汨

羅戍南西流注于湘春秋之羅汨矣世謂之汨羅口

案近刻湘水又北枝分北出逕汨羅戍西又北逕磊

石山東

案磊近刻作壘下同

又北逕磊石戍西謂之苟導涇矣

而北合湘水湘水自汨羅口

案近刻脫湘水二字及羅字

西北逕

磊石山西而北對青草湖亦或謂之為青草山也西

對懸城口湘水又北得九口竝湘浦也湘水又東北

為青草湖口右會苟導涇北口

案近刻脫導字

與勞口合又

北得同拌口皆湘浦石池者也

又北過下雋縣西微水從東來流注

案注下近刻有之字

湘水左會清水口

案近刻訛作水青口

資水也世謂之益陽江

湘水之左

案近刻無之字

逕鹿角山東右逕謹亭戍西又北

合查浦又北得萬石浦

案近刻脫石字

咸湘浦也側湘浦北

有萬石戍湘水左則沅水注之謂之橫房口東對微

湖世或謂之麋湖也

案湖下近刻衍口字

右屬微水即經所謂

微水經下雋者也西流注于江謂之麋湖口湘水又

北

案湘近刻訛作也

逕金浦戍北帶金浦水湖澹也湘水左

則澧水注之世謂之武陵江凡此四水同注洞庭北

會大江

案近刻重一北字

名之五渚戰國策曰秦與荆戰大

破之取洞庭五渚者也

案近刻脫者字

湖水廣圓五百餘里

日月若出沒于其中山海經云洞庭之山帝之二女

居焉沅澧之風交瀟湘之浦案近刻出入多飄風暴

雨湖中有君山編山君山有石穴潛通吳之包山郭

景純所謂巴陵地道者也是山湘君之所遊處故曰

君山矣昔秦始皇遭風于此而問其故博士曰湘君

出入則多風秦王乃楮其山漢武帝亦登之射蛟于

是山東北對編山山多篋竹兩山相次去數十里迴

峙相望孤影若浮湖之右岸有山世謂之笛鳥頭石

石北右會翁湖口水上承翁湖左合洞浦所謂三苗

之國左洞庭者也

又北至巴丘山入于江

山在湘水右岸山有巴陵故城本吳之巴丘邱閣城

也晉太康元年立巴陵縣于此後置建昌郡宋元嘉

十六年立巴陵郡城跨岡嶺濱阻三江巴陵西對長

洲其洲南分湘浦案分近北屆大江故曰三

江也三水所會亦或謂之三江口矣夾山列闕謂之

射獵又北對養口咸湘浦也水色青異東北入于大

江有清濁之別謂之汪會也

灘水亦出陽海山

灘水與湘水出一山而分源也湘灘之間陸地廣百餘步謂之始安嶠嶠即越城嶠也嶠水自嶠之陽南流注灘名曰始安水故庾仲初之賦揚都云判五嶺而分流者也灘水又南與瀉水合水出西北邵陵縣界而東南流至零陵縣西南逕越城西建安十六年交州刺史賴恭自廣信合兵小零陵越城迎步騭即是地也瀉水又東南流注于灘水漢書所謂出零陵下灘水者也灘水又南合彈丸溪水出于彈丸山山有湧泉奔流衝激山岵及溪中案岵近刻作崖有石若丸自

然珠圓狀彈丸矣故山水即名焉驗其山有石竇下

深數丈洞穴深遠莫究其極案近刻脫此十八字溪水東流注

于灘水灘水又南逕始興縣東魏元帝咸熙二年案

帝近刻訛吳孫皓分零陵南部立始興縣灘水又南

右會洛溪溪水出永豐縣西北洛溪山東流逕其縣

北縣本蒼梧之北鄉孫皓割以為縣洛溪水又東南

逕始安縣而東注灘水灘水又東南流入熙平縣逕

羊瀨山山臨灘水案近刻脫灘字石間有色類羊又東南逕

雞瀨山山帶灘水石色狀雞案石上近刻衍山字故二山以物

象受名矣灑水又南得熙平水口水源出縣東龍山

西南流逕其縣南又西與北鄉溪水合水出縣東北

北鄉山西流逕其縣北又西流南轉逕其縣西縣本

始安之扶鄉也孫皓割以為縣溪水又南注熙平水

案近刻脫水字熙平水又西注于灑水縣南有朝夕塘水出

東山西南有水案有近刻訛作塘從山下注塘一日再增再

減盈縮以時未嘗愆期同于潮水因名此塘案近刻訛作潭

為朝夕塘矣灑水又西逕平樂縣界左合平樂溪口

水出臨賀郡之謝沐縣南歷山西北流逕謝沐縣西

南西南流至平樂縣東南左會謝沐衆溪派流湊合

西逕平樂南孫皓割蒼梧之境立以為縣北隸始安

溪水又西南流注于灑水謂之平樂水案近刻脫樂字

南過蒼梧荔浦縣

灑水出縣西北魯山之東逕其縣西與濡水合水出

永豐縣西北濡山東南逕其縣西又東南流入荔浦

縣案入下近刻有于字注于灑溪又注于灑水灑水之上案近刻脫

灑水二字有關案近刻訛作有灑水關灑水又南左合靈溪水口水

出臨賀富川縣北符靈岡南流逕其縣東又南注于

灘水也

又南至廣信縣入于鬱水

溱水出桂陽臨武縣南繞城西北屈東流

溱水導源縣西南北流逕縣西而北與武溪合山海

經曰肄水出臨武西南案肄近刻訛作肆下同而東南注于海

案近刻脫而東南三字入番禺西肄水蓋溱水之別名也武溪

水出臨武縣西北桐柏山東南流右合溱水亂流東

南逕臨武縣西謂之武溪縣側臨溪東因曰臨武縣

王莽更名大武也溪又東南流左會黃岑溪水案岑近刻

訛作冷下同水出郴縣黃岑山西南流右合武溪水武溪

水又南入重山案重近刻訛作里山名藍豪廣圓五百里悉

曲江縣界崖峻險阻案近刻訛作崖壁峻阻巖嶺于天交柯雲

蔚霾天晦景謂之瀧中懸湍迴注崩浪震山名之瀧

水

東至曲江縣安壽邑東屈西南流

瀧水又南出峽謂之瀧口西岸有任將軍城南海都

尉任囂所築也囂死尉佗自龍川始居之東岸有任

將軍廟瀧水又南合冷水冷水東出冷君山山羣峯

之孤秀也晉太元十八年崩十餘丈案十近刻于是

懸澗瀑挂傾流注壑頽波所入灌于瀧水瀧水又右

合林水林水出縣東北洄山王歆之始興記曰案近刻

之林水源裏有石室案近刻室前磐石上行羅十瓮

字案行近刻中悉是餅銀采伐遇之不得取取必迷悶

說作列 晉太元初民封驅之家僕密竊三餅歸發看有大蛇

螫之而死湘州記曰其夜驅之夢神語曰君奴不謹

盜銀三餅即日顯戮以銀相償覺視則奴死銀在矣

案償近刻說林水自源西注于瀧水案注近刻又與

作備脫覺字

雲水合水出縣北湯泉泉源沸湧浩氣雲浮以腥物

投之俄頃即熱案近刻其中時有細赤魚游之不為

灼也西北合瀧水又有藉水上承滄海水有島嶼焉

其水吐納眾流西北注于瀧水瀧水又南歷靈鷲山

山本名虎郡山亦曰虎市山以虎多暴故也晉義熙

中沙門釋僧律葺宇巖阿猛虎遠跡蓋律仁感所致

因收曰靈鷲山瀧水又南逕曲江縣東云縣昔號曲

紅案近刻說曲紅山名也案近刻東連岡是矣

瀧中有碑文曰按地理志曲江舊縣也王莽以為除

虜始興郡治魏文帝咸熙二年孫皓分桂陽南部立
 縣東傍瀧溪號曰北瀧水水左即東溪口也水出始
 興東江州南康縣界石闔山西流而與連水合水出
 南康縣涼熱山連溪山即大庾嶺也五嶺之最東矣
 故曰東嶠山斯則改裝之次其下船路名漣溪漣水
 南流注于東溪謂之漣口案近刻說口字庾仲初謂之大庾
 嶠水也東溪亦名東江又曰始興水又西邪階水注
 之水出縣東南邪階山水有別源曰巢頭重嶺矜瀧
 湍奔相屬祖源雙注合為一川水側有鼻天子城鼻

天子所未聞也邪階水又西北注于東江江水又西
 逕始興縣南又西入曲江縣邸水注之水出浮岳山
 山躡一處則百餘步動若在水也因名浮岳山南流
 注于東江東江又西與利水合水出縣之韶石北山
 南流逕韶石下其高百仞廣圓五里兩石對峙相去
 一里小大略均似雙闕名曰韶石古老言昔有二仙
 分而憩之自爾年豐彌歷一紀利水又南逕靈石下
 靈石一名逃石高三十丈廣圓五百丈春舊傳言石
 本桂林武城縣案林近刻說作陽因夜迅雷之變忽然遷此

彼人來見歎曰石乃逃來因名逃石以其有靈運徙

又曰靈石其傑處臨江壁立霞駁有若續焉水石驚

瀨傳響不絕商舟淹留聆翫不已利水南注東江東

江又西注于北江謂之東江口溱水自此有始興大

庾之名案庾近刻而南入瀘陽縣也

過瀘陽縣出漚浦關案漚原本及近刻並訛作淮今與改正漢書中宿縣有漚浦關

桂水合

溱水南逕瀘陽縣西舊漢縣也案漢近刻王莽之基

武矣案基近刻作基縣東有溱石山廣圓三十里挺嶠大江

之北盤址長川之際其陽有石室漁叟所憩昔欲于

山北開達郡之路輒有大蛇斷道不果是以今行者

必于石室前汎舟而濟也溱水又西南歷臯口太尉

二山之間是曰瀘陽峽兩岸傑秀壁立虧天昔嘗鑿

石架閣令兩岸相接以拒徐道覆溱水出峽左則瀘

水注之水出南海龍川縣西逕瀘陽縣南右注溱水

故應劭曰瀘水西入溱是也溱水又西南漚水入焉


案漚近刻山海經所謂溱水出桂陽西北山東南注

肄入敦浦西者也案漚近刻訛作漚肄訛作肄敦訛作敦


溱水又西南逕中宿縣會一里水其處隘名之爲觀
 岐連山交枕絕崖壁竦下有神廟背阿面流壇宇虛
 肅廟渚攢石巉巖亂峙中川時水洑至鼓怒沸騰流
 水淪沒必無出者世人以爲河伯下材晉中朝時縣
 人有使者至洛事訖將還忽有一人寄其書云吾家
 在觀岐前案近刻脫岐字石間懸藤卽其處也但叩藤自當
 有人取之使者謹依其言果有二人出外取書并延
 入水府衣不霑濡言此似不近情然造化之中無所
 不有穆滿西遊與河宗論寶以此推之亦爲類矣溱

水又西南逕中宿縣南吳孫皓分四會之北鄉立焉
 南入于海

溱水又南注于鬱而入于海



水經注卷三十八



水經注卷三十九

後魏酈道元撰

涇水 深水 鍾水 耒水

洙水 漉水 澗水

贛水 廬江水

涇水出桂陽縣廬聚案涇近刻訛作涇下同

水出桂陽縣西北上驛山廬溪爲廬溪水東南流逕

桂陽縣故城謂之涇水地理志曰涇水出桂陽南至

四會是也案涇今漢書桂陽下訛作涇惟含涇不誤師古曰涇音匡涇水又東南

流案此下近刻有出桂陽南至四嶠水注之水出都

嶠之溪案近刻脫嶠水注之水出都七字 溪水下流歷峽南出是峽

謂之貞女峽峽西岸高巖名貞女山下際有石如

人形高七尺狀如女子故名貞女峽古來相傳有數

女取螺于此遇風雨晝晦忽化為石斯誠巨異難以

聞信但啓生石中擊呱空桑抑斯類矣物之變化寧

以理求乎溪水又合涇水涇水又東南入陽山縣右

合漣口水源出縣西北百一十里石塘村東南流案

南近刻訛水側有豫章木本徑可二丈案徑近刻其

株根猶存伐之積載而谷跡若新羽族飛翔不息其

旁眾枝飛散遠集鄉亦不測所如惟見一枝獨在含

涇水矣案眾枝飛散已漣水東南流注于涇涇水又

東南流而右與斟水合案右近刻水導源近出東巖

下穴口若井一日之中十溢十竭信若潮流而注涇

水涇水又南逕陽山縣故城西案近刻脫耆舊傳曰

往昔縣長臨縣輒遷擢超級大史逕觀言勢使然案

近刻訛掘斷連岡流血成川城因傾隄遂即傾敗閣

下大鼓飛上臨武乃之桂陽追號聖鼓自陽山達乎

桂陽之武步驛所至循聖鼓道也其道如塹迄于鼓城矣沅水又逕陽山縣南縣故含沅縣之桃鄉孫皓分立為縣也沅水又東南流也

東南過含沅縣

應劭曰沅水東北入沅瓚注漢書沅在武陵去沅遠又隔湘水不得入沅沅水東南左合翁水水出東北利山湖湖水廣圓五里潔踰凡水西南流注于沅謂之翁水口口已下東岸有聖鼓杖案近刻說作杖下同即陽山之鼓杖也橫在川側雖衝波所激未嘗移動百鳥翔

鳴莫有萃者船人上下以篙撞者案篙撞近刻訛作蒿種輒有

瘡疾沅水又東南左合陶水水東出堯山案近刻山脫水字

盤紆數百里有赭巒迭起冠以青林與雲霞亂采山

上有白石英山下有平陵有大堂基者舊云堯行宮

所陶水西逕縣北右注沅水沅水又逕含沅縣西王

歆始興記曰縣有白鹿城城南有白鹿岡咸康中郡

民張魴為縣有善政白鹿來游故城及岡竝即名焉

南山沅浦關為桂水案此與鍾水注內之桂水同名而南北異流

關在中宿縣沅水出關右合溱水謂之沅口山海經

謂之湟水徐廣曰湟水一名漚水出桂陽通四會亦曰漚水也漢武帝元鼎元年路博德為伏波將軍征南越出桂陽下湟水即此水矣桂水其别名也

深水出桂陽盧聚

呂忱曰深水一名濠水導源盧溪西入營水亂流營波同注湘津許慎云深水出桂陽南平縣也經書桂陽者縣本隸桂陽郡案縣下近刻有也字後割屬始興縣有盧溪盧聚山在南平縣之南九疑山東也

西北過零陵營道縣南又西北過營浦縣南又西北過

泉陵縣西北七里至燕室邪入于湘

水上有燕室丘亦因為聚名也其下水深不測號曰

龍淵案淵近刻作泉

鍾水出桂陽南平縣都山案都近刻訛作部下同北過其縣東又

東北過宋渚亭又北過鍾亭與漚水合

都山即都龐之嶠案都龐近刻訛作部龍又嶠下有也字五嶺之第三

嶺也鍾水即嶠水也庾仲初曰嶠水南入始興溱水

注于海北入桂陽湘水注于江是也案南入溱注海者漚水北入湘

注江者鍾水此統稱嶠水近刻溱訛作漚漚水即桂水也案漚近刻訛作雞下同漚

桂聲相近故字隨讀變經仍其非矣桂水出桂陽縣北界山山壁高聳三面特峻石泉懸注瀑布而下北逕南平縣而東北流屆鍾亭右會鍾水通爲桂水也故應劭曰桂水出桂陽東北入湘

又北過魏寧縣之東

魏寧故陽安也晉太康元年改曰晉寧縣在桂陽郡東百二十里縣南西二面阻帶清溪桂水無出縣東理蓋縣邑流移今古不同故也

又北入于湘

案此五字近刻與上經文連接又下有東字

耒水出桂陽郴縣南山

耒水發源出汝城縣東烏龍白騎山西北流逕其縣北西流三十里中有十四瀨各數百步澹流奔急竹節相次亦爲行旅游涉之艱難也又西北逕晉寧縣北又西左合清溪水口水出縣東黃皮山西南流歷縣南又西北注于耒水汝城縣在郡東三百餘里案近刻脫城字餘里訛作里餘山又在縣東耒水無出南山理也

又北過其縣之西

縣有涿水出縣東俠公山

案俠近刻訛作侯

西北流而南屈

注于耒謂之程鄉溪郡置酒官醞于山下名曰程酒
 獻同鄗也耒水又西黃水注之水出縣西黃岑山
 則騎田之嶠五嶺之第二嶺也黃水東北流按盛弘
 之云眾山水出注于大溪號曰橫流溪溪水甚小冬
 夏不乾俗亦謂之爲貪泉飲者輒冒于財賄同于廣
 州石門貪流矣廉介爲二千石則不飲之昔吳隱之
 挹而不亂案近刻訛作辭貪豈謂能渝其貞乎案近刻渝訛作汙貞訛作
 真蓋亦惡其名也劉澄之謂爲一涯溪通四會殊爲
 孟浪而不悉也庾仲初云嶠水南入始興濠水注海

卽黃岑水入武溪者也北水入桂陽湘水注于大江
 卽是水也右則千秋水注之案右則近刻訛作又側水出西南

萬歲山山有石室室中有鍾乳山上悉生靈壽木溪
 下卽千秋水也水側民居號萬歲村其水下合黃水

黃水又東北逕其縣東右合除泉水水出縣南湘陂
 村村有圓水廣圓可二百步一邊暖一邊冷冷處極

清綠淺則見石深則見底暖處水白且濁玄素旣殊
 涼暖亦異厥名除泉其猶江乘之半湯泉也水盛則

瀉黃溪水耗則津徑輟流郴舊縣也桂陽郡治也漢

高帝二年分長沙置地理志曰桂水所出因以名也

王莽更名南平縣曰宣風項羽遷義帝所築也縣南

有義帝冢內有石虎

案石近刻
訛作白

因呼為白虎郡東觀

漢記曰茨充字子河為桂陽太守民情嬾少麤履

案麤

近刻訛
作鹿

足多剖裂茨教作履今江南知織履皆充之

教也黃溪東有馬嶺山高六百餘丈廣圓四十許里

漢末有郡民蘇耽栖遊此山桂陽列仙傳云耽郴縣

人少孤養母至孝言語虛無時人謂之癡常與眾兒

共牧牛更直為帥錄牛無散每至耽為帥牛輒徘徊

左右不逐自還眾兒曰汝直牛何道不走耶耽曰非

汝曹所知即面辭母云受性應仙當違供養涕泗又

說

案近刻
作曰

年將大疫死者略半穿一井飲水

案一近
刻訛作

二可得無恙如有哭聲甚哀後見耽乘白馬還此

山中百姓為立壇祠民安歲登民因名為馬嶺山黃

水又北流注于耒水謂之榔口耒水又西逕華山之

陰亦曰華石山孤峰特聳枕帶雙流東則黃溪耒水

之交會也耒水東流沿注不得北過其縣西也兩岸

連山石泉懸溜行者輒徘徊留念情不極已也

又北過便縣之西

縣故惠帝封長沙王子吳淺為侯國王莽之便屏也

縣界有溫泉水在柳縣之西北左右有田數千畝案千

近刻資之以溉常以十二月下種明年三月穀熟度

此水冷不能生苗溫水所溉年可三登其餘波散流

入于耒水也

又西北過耒陽縣之東

耒陽舊縣也蓋因水以制名王莽更名南平亭東傍

耒水水東肥南有郡故城縣有溪水案溪近刻東出

侯計山其水清澈冬溫夏冷西流謂之肥川川之北

有盧塘案有近刻塘池八頃其深不測有大魚常至

五月輒一奮躍水湧數丈波襄四陸細魚奔迸隨水

登岸不可勝計又云大魚將欲鼓作諸魚皆浮聚水

側注案此三字西北逕蔡洲洲西即蔡倫故宅傍有

蔡子池倫漢黃門案此下近順帝之世擣故魚網為

紙用代簡素自其始也

又北過鄴縣東

縣有鄴湖湖中有洲洲上民居彼人資以給釀酒甚

醇美謂之酈酒歲常貢之湖邊尙有酈縣故治西北

又去臨承縣十五里案西北上近刻有此字從省隸案宋太元二

入臨承此三字上當有脫文十三州志曰大别水南出朶陽縣太

山北至酈縣入湖也

北入于湘

朶水西北至臨承縣而右注湘水謂之朶口也

沫水出茶陵縣上鄉西北過其縣西

水出江州安成郡廣興縣太平山案成近刻西北流訛作城

逕茶陵縣之南漢武帝元朔四年封長沙定王子節

侯訢之邑也王莽更名聲鄉矣沫水又屈而過其縣

西北流注也地理志謂之泥水者也

又西北過攸縣南

攸水出東南安成郡安復縣封侯山西北流逕其縣

北縣北帶攸溪蓋卽溪以名縣也漢武帝元朔四年

封長沙定王子則爲攸輿侯卽地理志所謂攸縣者

也攸水又西南流入茶陵縣入于沫水也

又西北過陰山縣南

縣本陽山縣也縣東北猶有陽山故城卽長沙孝王

子宗之邑也言其勢王故塹山堙谷改曰陰山縣縣

上有容水自侯曇山下注泚水謂之容口水有大穴

容一百石水出于此因以名焉泚水又西北逕其縣

東又西逕歷曰縣有歷水

案此十八字近刻說在容口下

下注泚謂

之歷口泚水又西北與洋湖水會水出縣西北樂藪

岡下洋湖湖去岡七里湖水下注泚謂之洋湖口泚

水東北有峩山縣東北又有武陽龍尾山竝仙者羽

化之處上有仙人及龍馬跡于其處得遺詠雖神栖

白雲屬想芳流藉念泉鄉遺詠在茲

案詠近刻訛作味

覽其

餘誦依然息遠匪直邈想霞蹤愛其文詠可念故端

牘抽札以詮其詠其略曰登武陽觀樂藪峩嶺千蕤

洋湖口命蜚螭駕白駒臨天水心脚躡千載後不知

如蓋勝賞神鄉秀情超拔矣

又西北入于湘

澧水出醴陵縣東澧山西過其縣南

醴陵縣高后四年封長沙相侯越為國縣南臨澧水

水東出安城鄉翁陵山余謂澧澨聲相近

案近刻脫聲字

人藉便以澨為稱雖翁陵名異而卽麓是同

屈從縣西北流至漉浦注入于湘

瀏水出臨湘縣東南瀏陽縣西北過其縣東北與澇水

合案澇水近刻作澇溪水

瀏水出縣東江州豫章縣首稗山導源西北流逕其

縣南縣憑溪以即名也又西北注于臨湘縣也

西入于湘

澗水出豫章艾縣

春秋左氏傳曰吳公子慶忌諫夫差不納居于艾是也王莽更名治翰

西過長沙羅縣西

羅子自枝江徙此世猶謂之爲羅侯城也案近刻脫此二字

澗水又西流積而爲陂謂之町湖也

又西至累石山入于湘水案近刻脫至字

累石山在北亦謂之五木山山方尖如五木狀故俗人藉以名之山在羅口北澗水又在羅水南流注于湘謂之東町口者也

贛水出豫章南野縣西北過贛縣東

山海經曰贛水出聶都山東北流注于江入彭澤西

也班固稱南野縣彭水所發東入湖漢水庾仲初謂
 大庾嶠水北入豫章注于江者也地理志曰豫章水
 出贛縣西南而北入江蓋控引衆流總成一川雖稱
 謂有殊言歸一水矣故後漢郡國志曰贛有豫章水
 雷次宗云似因此水爲其地名雖十川均流而此源
 最遠故獨受名焉劉澄之曰縣東南有章水西有貢
 水縣治二水之間二水合贛字因以名縣焉是爲謬
 也案此四字近刻訛在西有貢水句之下是字上又衍西字劉氏專以字說水而
 不知遠失其實矣案其下近刻衍水字豫章水導源東北流逕

南野縣北贛川石阻水急行難傾波委注六十餘里

又北

案近刻脫此二字

逕贛縣東縣卽南康郡治晉太康五

年分廬江立豫章水右會湖漢水水出雩都縣導源

西北流逕金雞石其石孤竦臨川

案近刻作臨水

耆老云時

見金雞出于石上故石取名焉湖漢水又西北逕贛

縣東西入豫章水也

又西北過廬陵縣西

廬陵縣卽王莽之桓亭也十三州志稱廬水西出長

沙安成縣

案成近刻訛作復

武帝元光六年封長沙定王子

劉蒼為侯國即王莽之用成也案用漢書作思吳寶鼎中立以為安成郡案成近刻訛作城東至廬陵入湖漢水也

又東北過石陽縣西

漢和帝永平九年分廬陵立漢獻帝初平二年吳長沙桓王立廬陵郡治此豫章水又逕其郡南城中有井其水色半清半黃黃者如灰汁取作飲粥悉皆金色而甚芬香

又東北過漢平縣南又東北過新淦縣西

牽水西出宜春縣漢武帝元光六年封長沙定王子

劉成為侯國王莽之脩曉也案脩近刻訛作循牽水又東逕

吳平縣舊漢平也晉太康元年改為吳平矣牽水又

東逕新淦縣即王莽之偶亭而注于豫章水湖漢及

贛竝通稱也又淦水出其縣下注于贛水

又北過南昌縣西

盱水出南城縣案城近刻訛作官西北流逕南昌縣南西注

贛水又有濁水注之水出康樂縣故陽樂也濁水又

東逕望蔡縣縣因汝南上蔡民莽居此土晉太康元

年改為望蔡縣濁水又東逕建成縣漢武帝元光四

年封長沙定王子劉拾爲侯國王莽更名之曰多聚也縣出燃石異物志曰石色黃白而理疎以水灌之便熱以鼎著其上炊足以熟置之則冷灌之則熱如此無窮元康中雷孔章入洛賫石以示張公張公曰此謂燃石于是乃知其名濁水又東至南昌縣東流入于贛水贛水又歷白社西有徐孺子墓吳嘉禾中太守長沙徐熙于墓隧種松太守南陽謝景于墓側立碑永安中太守梁郡夏侯嵩于碑傍立思賢亭松大合抱亭世脩治至今謂之聘君亭也贛水又北歷

南塘塘之東有孺子宅際湖南小洲上孺子名穉南昌人高尚不仕太尉黃瓊辟不就桓帝問尚書令陳蕃徐穉袁閎誰爲先後蕃答稱袁生公族不鏤自雕至于徐穉傑出薄域故宜爲先桓帝備禮徵之不至太原郭林宗有母憂穉往弔之置生芻于廬前而去衆不知其故林宗曰必孺子也詩云生芻一束其人如玉吾無德以堪之年七十二卒贛水又逕谷鹿洲

案近刻

訛作州卽蓼子洲也

案近刻脫此五字

舊作大鵬處贛水又

北逕南昌縣故城西

案近刻脫故字

于春秋屬楚卽令尹子

蕩師于豫章者也秦以為廬江南部漢高祖六年始

命陳嬰以為豫章郡治此即陳嬰所築也案陳嬰原本及近刻

並訛作灌嬰今改正史記高祖功臣侯年表稱堂邑侯陳嬰定豫章漢書同王莽更名縣

曰宜善郡曰九江焉劉歆云湖漢等九水入彭蠡故

言九江矣陳蕃為太守署徐穉為功曹蕃在郡不接

賓客惟穉來特設一榻去則懸之此即懸榻處也建

安中更名西安晉又名為豫章城之南門曰松陽門

門內有樟樹高七丈五尺大二十五圍枝葉扶疎垂

蔭數晦應劭漢官儀曰豫章樟樹生庭中案樟近刻訛作郡

故以名郡矣此樹嘗中枯逮晉永嘉中一旦更茂豐

蔚如初咸以為中宗之祥也禮斗威儀曰君政訟平

豫樟常為生太興中元皇果興大業于南故郭景純

南郊賦云弊樟擢秀于祖邑是也以宣王祖為豫章

故也贛水北出際西北歷度支步是晉度支校尉立

府處步即水渚也贛水又逕郡北為津步步有故守

賈萌廟萌與安侯張普爭地為普所害即日靈見津

渚故民為立廟焉水之西岸有盤石謂之石頭津步

之處也西行二十里曰散原山疊嶂四周杳邃有趣

晉隆安末沙門竺曇顯建精舍于山南僧徒自遠而
 至者相繼焉西北五六里有洪井飛流懸注其深無
 底舊說洪崖先生之井也北五六里有風雨池言山
 高瀨激激著樹木霏散遠灑若雨西有鸞岡洪崖先
 生乘鸞所憩泊也岡西有鸞嶺云王子喬控鸞所逕
 過也案鸞近刻訛作鶴有二崖號曰大蕭小蕭言蕭史所遊
 萃處也雷次宗云此乃繫風捕影之論據實本所未
 辯聊記奇聞以廣井魚之聽矣又按謝莊詩莊常遊
 豫章觀井賦詩言鸞岡四周有水謂之鸞陂似非虛

論矣東大湖十里二百二十六步北與城齊南緣迴

折至南塘本通章江案近刻訛作水通大江增減與江水同漢

永元中太守張躬築塘以通南路兼遏此水冬夏不

增減水至清深魚甚肥美每于夏月江水溢塘而過

民居多被水害至宋景平元年太守蔡君西起堤開

塘為水門水盛旱則閉之案近刻脫旱字內多則洩之自是

居民少患矣贛水又東北逕王步步側有城云是孫

奮為齊王鎮此城之案此下近刻衍渚字今謂之王步蓋齊王

之渚步也郡東南二十餘里又有一城號曰齊王城

築道相通蓋其離宮也贛水又北逕南昌左尉廨西漢成帝時九江梅福為南昌尉居此後福一旦捨妻子去九江傳云得仙贛水又北逕龍沙西沙甚潔白高峻而隄有龍形連亘五里中舊俗九月九日升高處也昔有人于此沙得故冢刻塼題云西去江七里半筮言其吉卜言其凶而今此冢垂沒于水所謂筮短龜長也贛水又逕椒丘城下建安四年孫策所築也贛水又歷釣圻邸閣下度支校尉治太尉陶侃移置此也舊夏月邸閣前洲沒去浦遠景平元年校尉

豫章因運出之力于渚次聚石為洲長六十餘丈洲裏可容數十舫贛水又北逕鄒陽縣王莽之豫章縣也餘水注之水東出餘汗縣王莽名之曰治干也餘水北至鄒陽縣注贛水贛水又與鄱水合水出鄱陽縣東西逕其縣南武陽鄉也地有黃金采案金下近刻衍可字王莽改曰鄉亭孫權以建安十五年分為鄱陽郡鄱水又西流注于贛案近刻脫鄱字又有繚水入焉案繚近刻說作僚下同其水導源建昌縣漢元帝永光二年分海昏立繚水東逕新吳縣漢中平中立繚水又逕海昏縣王莽

更名宜生謂之上繚水又謂之海昏江分爲二水縣

東津上有亭爲濟渡之要其水東北逕昌邑城案近刻脫

城而東出豫章大江謂之慨口昔漢昌邑王之封海

昏也每乘流東望輒憤慨而還世因名焉其一水枝

分別注入于循水也

又北過彭澤縣西

循水出艾縣西案循水漢志作脩水近刻西訛作而東北逕豫寧縣案豫

下近刻故西安也晉太康元年更從今名循水又東

北逕永循縣漢靈帝中平二年立循水又東北注贛

水其水總納十川同臻一瀆案臻近刻訛作湊俱注于彭蠡也

北入于江

大江南贛水總納洪流東西四十里清潭遠漲案清潭上

近刻有而字綠波凝淨而會注于江川

廬江水出三天子都北過彭澤縣西北入于江

山海經三天子都一曰天子鄣王彪之廬山賦敘曰

廬山彭澤之山也雖非五嶽之數穹隆嵯峨寔峻極

之名山也孫放廬山賦曰尋陽郡南有廬山九江之

鎮也臨彭蠡之澤接平傲之原案接近刻開山圖曰

案近刻山四方周四百餘里疊鄣之巖萬仞懷靈抱

異苞諸仙迹豫章舊志曰廬俗字君孝本姓匡父東

野王共鄱陽令吳芮佐漢定天下而亡漢封俗于鄔

陽曰越廬君俗兄弟七人皆好道術遂寓精于宮亭

之山案近刻故世謂之廬山漢武帝南巡觀山

以為神靈封俗大明公遠法師廬山記曰殷周之際

匡俗先生受道仙人案受近刻共遊此山時人謂其

所止為神仙之廬因以名山矣又按周景式曰廬山

匡俗字子孝本東里子出周武王時生而神靈屢逃

徵聘廬于此山時人敬事之俗後仙化空廬猶存弟

子觀室悲哀哭之旦暮事同鳥號案近刻世稱廬君

故山取號焉斯耳傳之談非實證也故豫章記以廬

為姓因廬以氏周氏遠師或託廬慕為辭案慕近刻

假憑廬以託稱案廬近刻二證既違二情互爽案二

刻作按山海經創之大禹案之近刻記錄遠矣故海

內東經曰廬江出三天子都入江彭澤西是曰廬江

之名山水相依互舉殊稱明不因匡俗始正是好事

君子強引此類用成章句耳又按張華博物志曹著傳其神自云姓徐受封廬山後吳猛經過山神迎猛猛語曰君王此山近六百年符命已盡不宜久居非據猛又贈詩云仰矚列仙館俯察王神宅曠載暢幽懷傾蓋付三益此乃神道之事亦有換轉理難詳矣吳猛隱山得道者也尋陽記曰廬山上有三石梁長數十丈廣不盈尺杳然無底吳猛將弟子登山過此梁見一翁坐桂樹下以玉杯承甘露漿與猛又至一處見數人爲猛設玉膏猛弟子竊一寶欲以來示世

人梁卽化如指猛使送寶還手牽弟子令閉眼相引而過其山川明淨風澤清曠氣爽節和土沃民逸嘉遯之士繼響窟巖龍潛鳳采之賢往者忘歸矣秦始皇漢武帝及太史公司馬遷咸升其巖望九江而眺鍾彭焉廬山之北有石門水水出嶺端有雙石高竦其狀若門因有石門之目焉水導雙石之中懸流飛瀑近三百許步下散漫十許步上望之連天

案十許近刻訛

作千

若曳飛練于霄中矣下有磐石可坐數十人冠

軍將軍劉敬宣每登陟焉其水歷澗逕龍泉精舍南

太元中沙門釋慧遠所建也其水下入江南嶺卽彭蠡澤西天子鄣也峯澄險峻人跡罕及嶺南有大道

順山而下有若晝焉傳云匡先生所通至江道案通近刻

遊巖上有宮殿故基者三以次而上最上者極于

山峯山下又有神廟號曰宮亭廟故彭湖亦有宮亭

之稱焉余按爾雅云大山曰宮宮之爲名蓋起于此

不必一由三宮也山廟甚神能分風孽流住舟遣使

行旅之人過必敬祀而後得去故曹毗詠云分風爲

貳孽流爲兩昔吳郡太守張公直自守徵還道由廬

山子女觀祠婢指女戲如像人其妻夜夢致聘怖而

遽發明引中流而船不行合船驚懼曰愛一女而合

門受禍也公直不忍遂令妻下女于江其妻布席水

上以其亡兄女代之而船得進公直方知兄女怒妻

曰吾何面目于當世也案近刻脫且字復下己女于水中將

渡遙見二女于岸側案遙近刻傍有一吏立曰吾廬


君主簿敬君之義悉還二女故干寶書之于感應焉

山東有石鏡照水之所出有一圓石懸崖明淨照見


人形晨光初散案近刻則延曜入石豪細必察故名

石鏡焉又有二泉常懸注若白雲帶山廬山記曰白
 水在黃龍南卽瀑布也水出山腹挂流三四百丈飛
 湍林表望若懸素注處悉成巨井案近刻脫成字其深不測
 其水下入江淵廬山之南有上霄石高壁緬然與霄
 漢連接秦始皇三十六年歎斯岳遠遂記爲上霄焉
 上霄之南大禹刻石誌其丈尺里數今猶得刻石之
 號焉湖中有落星石周迴百餘步高五丈上生竹木
 傳曰有星墜此因以名焉又有孤石介立大湖中周
 迴一里竦立百丈轟然高峻特爲瓌異上生林木而

飛禽罕集言其上有玉膏可採所未詳也耆舊云昔
 禹治洪水至此刻石紀功或言秦始皇所勒然歲月
 已久莫能合辨之也案近刻脫合字



水經注卷三十九



水經注卷四十

後魏酈道元撰

漸江水 斤江水

江以南至日南郡二十水

禹貢山水澤地所在

漸江水出三天子都

山海經謂之浙江也地理志云水出丹陽黟縣南蠻

中北逕其縣南有博山山上有石特起十丈上峯若

劍杪時有靈鼓潛發正長臨縣以山鼓為候一鳴官

長一年若長雷發聲則官長不吉案近刻浙江又北

歷黟山縣居山之陽故縣氏之漢成帝鴻嘉二年以

為廣德國封中山憲王孫雲客王于此案近刻脫中山憲王四字

晉太康中以為廣德縣分隸宣城郡會稽陳業潔身

清行遁跡此出浙江又北逕歙縣東與一小溪合水

出縣東北翁山西逕故城南又西南入浙江又東逕

遂安縣南溪廣二百步上立杭以相通水甚清深潭

不掩鱗故名新定案定近刻訛作安分歙縣立之晉太康中

又改從今名浙江又左合絕溪溪水出始新縣西東

逕縣故城南為東西長溪溪有四十七瀨濬流驚急

奔波聒天孫權使賀齊討黟歙山賊賊固黟之林歷

山山甚峻絕又工禁五兵齊以鐵杙椽山升出不意

又以白梃擊之案又近刻訛作人氣禁不行遂用奇功平賊

于是立始新之府于歙之華鄉案府近刻訛作尉令齊守之

後移出新亭晉太康元年改曰新安郡溪水東注浙

江浙江又東北逕建德縣南縣北有烏山山下有廟

廟在縣東七里廟渚有大石高十丈圍五尺案近刻作五尺

水瀨濬激而能致雲雨浙江又東逕壽昌縣南自

建德至此八十里中有十二瀨瀨皆峻險行旅所難

縣南有孝子夏先墓先少喪二親負土成墓數年不

勝哀卒

案近刻脫哀字

浙江又北逕新城縣桐溪水注之

案近

刻脫水字

水出吳興郡於潛縣北天目山山極高峻崖嶺

竦疊西臨峻澗

案近刻脫峻字

山上有霜木皆是數百年樹

謂之翔鳳林東面有瀑布下注數晦深沼名曰浣龍

池

案流近刻訛作蛟

池水南流逕縣西為縣之西溪溪水又

東南與紫溪合水出縣西百丈山即潛山也山水東

南流名為紫溪中道夾水有紫色磐石

案夾近刻訛作挾

石

長百餘丈望之如朝霞又名此水為赤瀨蓋以倒影

在水故也紫溪又東南流逕白石山之陰

案近刻山脫石字

甚峻極北臨紫溪又東南連山夾水兩峯交峙反項

對石往往相捍十餘里中積石磊砢相挾而上澗下

白沙細石狀若霜雪水木相映泉石爭暉名曰樓林

紫溪東南流逕桐廬縣東為桐溪孫權藉溪之名以

為縣目割富春之地立桐廬縣自縣至於潛凡十有

六瀨第二是嚴陵瀨瀨帶山山下有一石室

案近刻脫一字

漢光武帝時嚴子陵之所居也故山及瀨皆即人姓

名之山下有磐石周迴十數丈交枕潭際蓋陵所遊

也桐溪又東北案桐下近刻術廬字逕新城縣入浙江縣故富

春地案近刻說孫權置後省并桐廬案近刻脫咸和九

年案近刻說復立為縣浙江又東北入富陽縣故富

春也晉后名春改曰富陽也東分為湖浦浙江又東

北逕富春縣南縣故王莽之誅歲也江南有山孫武

皇之先所葬也漢末墓上有光如雲氣屬天黃武五

年案近刻說孫權以富春為東安郡分置諸郡案近

縣案此有脫誤朱謀埠引吳志云黃武五年秋分三郡惡地十縣置東安郡治富

春以全琮為太守平討山越又全琮傳云是時丹陽吳會山民復為寇賊攻沒屬縣權分三郡險地為東安郡琮領太守招誘降附浙江又東北逕亭山西山上有孫權父

冢

北過餘杭東入于海

浙江逕縣左合餘干大溪江北即臨安縣界水北對

郭文宅宅傍山面溪宅東有郭文墓晉建武元年驃

騎王導迎文置之西園文逃此而終臨安令改葬之

建武十六年縣民郎稚作亂案稚近刻說賀齊討之

孫權分餘杭立臨水縣晉改曰臨安縣因岡為城南

門尤高謝安蒞郡遊縣逕此門以為難為亭長浙江

又東逕餘杭故縣南新縣北秦始皇南遊會稽途出

是地因立為縣王莽之淮睦也案淮近刻漢末陳渾

移築南城縣後溪南大塘即渾立以防水也縣南有

三碑是顧颺范甯等碑縣南有大壁山郭文自陸渾

遷居也浙江又東逕烏傷縣北王莽改曰烏孝郡國

志謂之烏傷異苑曰東陽顏烏以淳孝著聞後有羣

烏助銜土塊為墳案近刻訛作後有羣烏烏口皆傷

一境以為顏烏至孝故致慈烏欲令孝聲遠聞又名

其縣曰烏傷矣浙江又東北流至錢塘縣穀水入焉

水源西出太末縣縣是越之西鄙案近刻姑蔑之地

也秦以為縣王莽之末理也吳寶鼎中分會稽立隸

東陽郡案近刻穀水東逕獨松故冢下冢為水毀其

塼文筮言吉龜言凶百年墮水中今則同龜繇矣穀

水又東逕長山縣南與永康溪水合案近刻縣即東

陽郡治也縣漢獻帝分烏傷立郡吳寶鼎中分會稽

置城居山之陽案居近刻或謂之長仙縣也言赤松

采藥此山因而居之故以為名後傳呼乖謬字亦因

改溪水南出永康縣赤烏中分烏傷上浦立劉敬
 叔異苑曰孫權時永康縣有人入山遇一大龜即束
 之以歸龜便言曰游不量時為君所得擔者怪之載
 出欲上吳王夜宿越里纜船于大桑樹宵中樹忽呼
 龜曰元緒奚事爾也龜曰行不擇日今方見烹雖盡
 南山之樵不能潰我樹曰諸葛元遜識性淵長必致
 相困令求如我之徒計將安治案近刻龜曰子明無
 多辭既至建業權將煮之燒柴萬車龜猶如故諸葛
 恪曰燃以老桑乃熟獻人仍說龜言權使伐桑取煮

之即爛故野人呼龜曰元緒其水飛湍北注至縣南
 門入穀水穀水又東定陽溪水注之水上承信安縣
 之蘇姥布縣本新安縣晉武帝太康三年改曰信安
 水懸百餘丈瀨勢飛注狀如瀑布瀨邊有石如牀案近
刻訛作有如石牀牀上有石牒長三尺許有似雜采帖也東
 陽記云信安縣有懸室坂晉中朝時有民王質伐木
 至石室中見童子四人彈琴而歌質因留倚柯聽之
 童子以一物如棗核與質質含之便不復饑俄頃童
 子曰其歸承聲而去斧柯准然爛盡既歸質去家已

數十年親情凋落無復向時比矣其水分納衆流混
波東逝逕定陽縣夾岸綠溪悉生支竹及芳枳木連
雜以霜菊金橙白沙細石狀如凝雪石溜湍波浮響
無輟山水之趣尤深人情縣漢獻帝分信安立溪亦
取名焉溪水又東案近刻逕長山縣北北對高山山
此作連下水際是赤松羽化之處也炎帝少女追之亦俱仙
矣後人立廟于山下溪水又東入于穀水穀水又東
逕烏傷縣之雲黃山山下臨溪水水際石壁傑立高
百許丈又與吳寧溪水合水出吳寧縣下逕烏傷縣

入穀謂之烏傷溪水閩中有徐登者女子化爲丈夫
與東陽趙昞並善越方時遭兵亂相遇于溪各示所
能登先禁溪水爲不流昞次禁枯柳柳爲生蕘二人
相示而笑登年長昞師事之後登身故昞東入章安
百姓未知昞乃升茅屋梧鼎而爨主人驚怪昞笑而
不應屋亦不損又嘗臨水求渡船人不許昞乃張蓋
坐中長嘯呼風亂流而濟于是百姓神服從者如歸
章安令惡而殺之民立祠于永寧而蚊蚋不能入昞
秉道懷術而不能全身避害事同萇弘宋元之龜尼

運之來故難救矣穀水又東入錢唐縣而左入浙江

案唐近刻作塘下同故地理志曰穀水自太末東北

至錢唐入浙江是也浙江又東逕靈隱山山在四山

之中有高崖洞穴左右有石室三所又有孤石壁立

大三十圍其上開散狀如蓮花昔有道士長往不歸

或因以稽留為山號山下有錢唐故縣浙江逕其南

王莽更名之曰泉亭地理志曰會稽西部都尉治錢

唐記曰防海大塘在縣東一里許郡議曹華信家議

立此塘以防海水始開幕有能致一斛土者即與錢

一千旬月之間來者雲集塘未成而不復取于是載

土石者皆棄而去塘以之成故改名錢塘焉縣南江

側有明聖湖父老傳言湖有金牛古見之神化不測

湖取名焉縣有武林山武林水所出也闕駟云山出

錢水東入海吳地記言縣惟浙江今無此水縣東有

定包諸山皆西臨浙江水流于兩山之間江川急濬

兼濤水晝夜再來來應時刻常以月晦及望尤大至

二月八月最高峨峨二丈有餘吳越春秋以為子胥

文種之神也昔子胥亮于吳案亮近刻而浮尸于江

吳人憐之立祠于江上名曰胥山吳錄云胥山在太

湖邊去江不百里故曰江上文種誠于越案誠近刻訛作城

而伏劍于山陰越人哀之葬于重山文種既葬一年

子胥從海上負種俱去游夫江海故潮水之前揚波

者伍子胥後重水者大夫種是以枚乘曰濤無記焉

然海水上潮江水逆流似神而非于是處焉秦始皇

三十七年將遊會稽至錢唐臨浙江所不能渡故道

餘杭之西津也浙江北合詔息湖湖本名乍湖因秦

始皇帝巡狩所憩故有詔息之名也浙江又東合臨

平湖異苑曰晉武時吳郡臨平岸崩出一石鼓打之

無聲以問張華華云可取蜀中桐材刻作魚形扣之

則鳴矣于是如言聲聞數十里劉道民詩曰事有遠

而合蜀桐鳴吳石傳言此湖草葦壅塞天下亂是湖

開天下平孫皓天璽元年吳郡上言臨平湖自漢末

穢塞今更開通又于湖邊得石函函中有小石青白

色長四寸廣二寸餘刻作皇帝字于是改天冊為天

璽元年孫盛以為元皇中興之符徵五湖之石瑞也

錢唐記曰桓立之難湖水色赤熒熒如丹湖水上通

浦陽江下注浙江名曰東江行旅所從以出浙江也

浙江又逕固陵城北昔范蠡築城于浙江之濱言可

以固守謂之固陵今之西陵也浙江又東逕相塘案祖

近刻訛作謂之祖瀆昔太守王朗拒孫策數戰不利

孫靜果說策曰朗負阻城守難可卒拔案近刻脫城字祖瀆

去此數十里是要道也若從此出攻其無備破之必

矣策從之破朗于固陵有西陵湖亦謂之西城湖湖

西有湖城山東有夏架山湖水承妖皐溪而下注

浙江案浙江又逕固陵城北至此原本及近刻並訛在後渡會稽湊山陰是也之下又逕永興縣北

之上今據歸有光本改正又逕會稽山陰縣有苦竹里里有舊城

言句踐封范蠡子之邑也浙江又東與蘭溪合湖南

有天柱山湖口有亭號曰蘭亭亦曰蘭上里太守王

羲之謝安兄弟數往造焉吳郡太守謝勗封蘭亭侯

蓋取此亭以為封號也太守王廙之移亭在水中晉

司空何無忌之臨郡也起亭于山椒極高盡眺矣亭

宇雖壞基陸尚存浙江又逕越王允常冢北冢在木

客村者彥云句踐使工人伐榮楯欲以獻吳久不得

歸工人憂思作木客吟後人因以名地句踐都琅邪

欲移允常冢冢中生分風飛沙射人人不得近句踐
 謂不欲遂止浙江又東北得長湖口湖廣五里東西
 百三十里沿湖開水門六十九所下溉田萬頃北瀉
 長江湖南有覆斗山周五百里北連鼓吹山山西枕
 長溪溪水下注長湖山之西嶺有賀臺越入吳還而
 成之故號曰賀臺矣案近刻訛作吳又有秦望山在州城正
 南為衆峯之傑陟境便見史記云秦始皇登之以望
 南海自平地以取山頂七里懸墜孤危徑路險絕記
 云拔蘿捫葛然後能升山上無甚高木案近刻脫甚字當由

地迴多風所致山南有嶠峴峴裏有大城越王無餘
 之舊都也故吳越春秋云句踐語范蠡曰先君無餘
 國在南山之陽社稷宗廟在湖之南又有會稽之山
 古防山也亦謂之為茅山又曰棟山越絕云棟猶鎮
 也蓋周禮所謂揚州之鎮矣山形四方上多金玉下
 多玦石山海經曰夕水出焉南流注于湖吳越春秋
 稱覆釜山之中有金簡玉字之書黃帝之遺識也山
 下有禹廟廟有聖姑像禮樂緯云禹治水畢案近刻訛作吳
 天賜神女聖姑即其像也山上有禹冢昔大禹即位

十年東巡狩崩于會稽因而葬之有烏來為之耘春

拔艸根秋啄其穢是以縣官禁民不得妄害此烏犯

則刑無赦山東有湮井案近刻說作山東有礪去廟七里深不

見底謂之禹井云東遊者多探其穴也秦始皇登會

稽山刻石紀功尚存山側孫暢之述書云案述下近刻衍征字

丞相李斯所篆也又有石匱山石形似匱上有金簡

玉字之書言夏禹發之得百川之理也又有射的山

遠望山的狀若射侯故謂射的案謂近刻謔作為射的之西

有石室名之為射堂年登否常占射的以為貴賤之

準的明則米賤的闇則米貴故諺云射的白斛米百

射的立斛米千北則石帆山山東北有孤石高二十

餘丈廣八丈望之如帆因以為名北臨大湖水深不

測傳與海通何次道作郡常于此水中得烏賊魚南

對精廬上蔭脩木下瞰寒泉西連會稽山案近刻脫會字皆

一山也東帶若邪溪吳越春秋所謂歐冶涸而出銅

案近刻涸說作銅又脫下三字以成五劍溪水上承嶠峴麻溪溪之

下孤潭周數晦甚清深有孤石臨潭乘崖俯視案乘近刻

訛作垂猿狖驚心寒木被潭森沈駭觀上有一櫟樹謝

靈運與從弟惠連常游之作連句題刻樹側麻潭下
注若邪溪水至清照衆山倒影窺之如畫漢世劉寵
作郡有政績將解任去治此溪父老人持百錢出送
案近刻脫寵各受一文然山栖遜逸之士谷隱不羈
此溪二字之民有道則見物以感遠爲貴荷錢致意故受者以
一錢爲榮豈藉費也義重故耳溪水下注大湖邪溪
之東又有寒溪溪之北有鄭公泉泉方數丈冬温夏
涼漢太尉鄭弘宿居潭側因以名泉弘少以苦節自
居恒躬采伐用質糧膳每出入溪津常感神風送之

雖憑舟自運無杖屨之勞村人貪藉風勢常依隨往
還有淹留者徒輩相謂汝不欲及鄭風邪其感致如
此湖水自東亦注江通海水側有白鹿山山北湖塘
上舊有亭吳黃門郎楊哀明居于弘訓里太守張景
數往造焉使開瀆作埭埭之西作亭亭埭皆以楊爲
名孫恩作賊從海來楊亭被燒後復脩立厥名猶在
東有銅牛山山有銅穴三十許丈穴中有大樹神廟
山上有冶官山北湖下有練塘里吳越春秋云句踐
練冶銅錫之處采炭于南山故其間有炭瀆句踐臣

吳吳王封句踐於越百里之地案近刻脫吳字東至炭瀆

是也縣南九里有侯山山孤立長湖中晉車騎將軍

孔敬康少時遯世栖跡此山湖北有三小山謂之鹿

野山在縣南六里按吳越春秋越之麋苑也山有石

室言越王所游息處矣縣南湖北案近刻脫南字有陳音山

楚之善射者曰陳音越王問以射道又善其說乃使

簡士習射北郊之外按吳越春秋音死葬于國西山

上今陳音山乃在國南五里湖北有射堂及諸邸舍

連衍相屬又于湖中築塘直指南山北即大越之國

秦改爲山陰縣會稽郡治也太史公曰禹會諸侯計

于此命曰會稽會稽者會計也案近刻脫會稽二字始以山名

因爲地號夏后少康封少子杼以奉禹祠爲越世歷

殷周至于允常列于春秋允常卒句踐稱王都于會

稽吳越春秋所謂越王都埠中在諸暨北界山陰康

樂里有地名邑中者是越事吳處故北其門以東爲

右西爲左故雙闕在北門外闕北百步有雷門門樓

兩層句踐所造時有越之舊木矣州郡館宇屋之大

瓦亦多是越時故物句踐霸世徙都瑯邪後爲楚伐

始還浙東城東郭外有靈汜下水甚深舊傳下有地道通于震澤又有句踐所立宗廟在城東明里中甘滂南又有玉笥竹林雲門天柱精舍竝疏山創基架林裁宇割澗延流案近刻脫割字盡泉石之好水流逕通浙江又北逕山陰縣西門外百餘步有怪山本瑯邪郡之東武縣山也飛來徙此壓殺數百家吳越春秋稱怪山者東武海中山也一名自來山百姓怪之號曰怪山亦云越王無疆為楚所伐去瑯邪止東武人隨居山下案上近刻訛作山遠望此山其形似龜故亦有龜

山之稱也越起靈臺于山上又作三層樓以望雲物川土明秀亦為勝地故王逸少云從山陰道上猶如鏡中行也浙江之上又有大吳王小吳王邨竝是闔閭夫差伐越所舍處也今悉民居然猶存故目昔越王為吳所敗以五千餘衆栖于稽山卑身待士施必及下呂氏春秋曰越王之栖于會稽也有酒投江民飲其流而戰氣自倍所投即浙江也許慎晉灼竝言江水至山陰為浙江江之西岸有朱室塢句踐百里之封西至朱室謂此也案謂近刻訛作為浙江又東北逕重

山西大夫文種之所葬也山上有白樓亭亭本在山

下案近刻脫在字縣令殷朗移置今處沛國桓儼避地會稽

聞陳業履行高潔往候不見儼後浮海南入交州臨

去遺書與業不因行李繫白樓亭柱而去升陟遠望

山湖滿目也承建中陽羨周嘉上書以縣遠赴會至

難求得分置遂以浙江西為吳以東為會稽漢高帝

十二年一吳也後分為三世號三吳吳興吳郡會稽

其一焉浙江又東逕禦兒鄉萬善歷曰吳黃武六年

正月獲彭綺是歲由拳西鄉有產兒墮地便能語云

天方明案近刻脫方字河欲清鼎腳折案近刻脫鼎字金乃生因是

詔為語兒鄉案因是近刻詔作是因非也禦兒之名遠矣蓋無

智之徒因藉地名案近刻詔作民生情穿繫耳國語曰句踐

之地北至禦兒是也安得引黃武證地哉韋昭曰越

北鄙在嘉興浙江又東逕柴辟南舊吳楚之戰地矣

備候于此故謂之辟塞是以越絕稱吳故從由拳辟

塞渡會稽案近刻詔作夷溱山陰是也又逕永興縣北案近刻詔

作南縣在會稽東北百二十里故餘暨縣也案近刻詔

四應劭曰闔閭弟夫槩之所邑案近刻脫應劭曰三

下行也字王莽之餘衍也漢末童謠云天子當興東南三

餘之間故繇權改曰永興案永近刻縣濱浙江又東

合浦陽江江水導源烏傷縣案江水下近刻衍之字

東逕諸暨縣與洩溪合溪廣數丈中道有兩高山夾

溪造雲壁立凡有五洩案五近刻下洩懸三十餘丈

案近刻廣十丈中三洩不可得至案三近刻登山遠

望乃得見之案此下近刻懸百餘丈水勢高急聲震

水外上洩懸二百餘丈望若雲垂此是瀑布土人號

為洩也江水又東逕諸暨縣南縣臨對江流江南有

射堂縣北帶烏山故越地也案此下近刻有夫槩王之故邑六字係重出行

文先名上諸暨亦曰句無矣案無近刻訛故國語曰

句踐之地南至句無王莽之疎虜也夾水多浦浦中

有大湖春夏多水秋冬涸淺江水又東南逕剡縣與

白石山水會山上有瀑布懸水三十丈下注浦陽江

浦陽江水又東流南屈又東迴北轉逕剡縣東王莽

之盡忠也縣開東門向江江廣二百餘步自昔耆舊

傳縣不得開南門開南門則有賊盜江水翼縣轉注

故有東渡西渡焉東南二渡通臨海並汎單船為浮

航西渡通東陽併二十五船為橋航江邊有查浦浦
 東行二百餘里與句章接界浦裏有六里有五百家
 並夾浦居列門向水甚有良田有青溪餘洪溪大發
 溪小發溪江上有溪六溪列漑散入江夾溪上下崩
 崖若傾東有簞山南有黃山與白石三山為縣之秀
 峯山下眾流泉導案泉近刻湍石激波浮險四注浦
 陽江又東逕石橋廣八丈高四丈下有石井口徑七
 尺橋上有方石長七尺廣一丈二尺橋頭有磐石可
 容二十人坐溪水兩旁悉高山山有石壁二十許丈

溪中相攻聶響外發未至橋數里便聞其聲江水北
 逕嵯山山下有亭亭帶山臨江松嶺森蔚沙渚平靜
 浦陽江又東北逕始寧縣嶧山之成功嶠案功近刻作工嶠
 壁立臨江欹路峻狹不得併行行者牽木稍進不敢
 俯視嶠西有山孤峯特上飛禽罕至嘗有採藥者沿
 山見通溪尋上于山頂樹下有十二方石地甚光潔
 還復更尋遂迷前路言諸仙之所憩讌故以壇讌名
 山嶠北有嶧浦浦口有廟廟甚靈驗行人及樵伐者
 皆先敬焉若相侵竊必為蛇虎所傷北則嶧山與嵯

山接二山雖曰異縣而峯嶺相連其間傾澗懷煙泉
 溪引霧吹畦風馨觸岫延賞是以王元琳謂之神明
 境事備謝康樂山居記浦陽江自嶧山東北逕太康
 湖車騎將軍謝玄田居所在右濱長江左傍連山平
 陵脩通澄湖遠鏡于江曲起樓樓側悉是桐梓森聳
 可愛居民號為桐亭樓樓兩面臨江盡升眺之趣蘆
 人漁子汎濫滿焉湖中築路東出趨山案趨近路甚
刻作趣
 平直山中有三精舍高薨凌虛垂簷帶空俯眺平林
 煙杳在下水陸寧晏足為避地之鄉矣江有琵琶圻

圻有古冢墮水甃有隱起字云筮吉龜凶八百年落
 江中謝靈運取甃詣京咸傳觀焉乃如龜繇故知冢
 已八百年矣浦陽江又東北逕始寧縣西本上虞之
 南鄉也漢順帝永建四年陽羨周嘉上書始分之舊
 治水西常有波潮之患案潮近刻
訛作湖晉中興之初治今
 處縣下有小江源出岬山謂之岬浦逕縣下西流注
 于浦陽菴山下注此浦浦西通山陰浦而達于江江
 廣百丈狹處二百步高山帶江重蔭被水江闕漁商
 川交樵隱故桂棹蘭棹望景爭途江南有故城太尉

劉牢之討孫恩所築也江水東逕上虞縣南王莽之
 會稽也本司鹽都尉治地名虞賓晉太康地記曰舜
 避丹朱于此故以名縣百官從之故縣北有百官橋
 亦云禹與諸侯會事訖因相虞樂故曰上虞二說不
 同未詳孰是縣南有蘭風山山少木多石驛路帶山
 傍江路邊皆作欄干山有三嶺枕帶長江茗茗孤危
 望之若傾緣山之路下臨大川皆作飛閣欄干乘之
 而渡謂此三嶺為三石頭丹陽葛洪遁世居之基井
 存焉琅邪王方平性好山水又爰宅蘭風垂釣于此

以永終朝行者過之不識問曰賣魚師得魚賣否方
 平答曰釣亦不得復不賣亦謂是水為上虞江縣
 之東郭外有漁浦湖中有大獨小獨二山又有覆舟
 山覆舟山下有漁浦王廟廟今移入裏山此三山孤
 立水中湖外有青山黃山澤蘭山重岫疊嶺參差入
 雲澤蘭山頭有深潭山影臨水水色青綠山中有諸
 嶋有石榭一所右臨白馬潭潭之深無底傳云創湖
 之始邊塘屢崩百姓以白馬祭之因以名水湖之南
 即江津也江南有上塘陽中二里

案二近刻
 訛作三 隔在湖

南常有水患太守孔靈符遏峰山前湖以為埭埭下
 開瀆直指南津又作水榷二所以舍此江得無淹潰
 之害縣東有龍頭山山崖之間有石井冬夏常冽清
 泉南帶長江東連上陂江之道南有曹娥碑娥父盱
 迎濤溺死娥時年十四哀父尸不得乃號踊江介因
 解衣投水祝曰若值父尸衣當沈若不值衣當浮裁
 落便沈娥遂于沈處赴水而死縣令度尚使外甥邯
 鄲子禮為碑文以彰孝烈江濱有馬目山洪濤一上
 波隱是山勢淪唼亭間歷數縣行者難之縣東北上

亦有孝子楊威母慕威少失父事母至孝常與母入
 山採薪為虎所逼自計不能禦于是抱母且號且行
 虎見其情遂弭耳而去自非誠貫精微孰能理感于
 英獸矣又有吳瀆破山導源注于胥江上虞江東逕
 周市而注永興地理志云縣有仇亭柯水東入海仇
 亭在縣之東北十里江北柯水疑即江也又東北逕
 永興縣東案近刻脫縣字與浙江合謂之浦陽江地理志又
 云縣有蕭山潘水所出東入海又疑是浦陽江之別
 名也自外無水以應之浙江又東注于海故山海經

曰浙江在閩西北入海案近刻浙江下衍在其東三字韋昭以松江

浙江浦陽江為三江

斤江水出交趾龍編縣東北至鬱林領方縣東注于鬱

地理志云逕臨塵縣至領方縣注于鬱案漢書作斤員水

容容

夜

緇

湛

乘

牛渚
須無
無濡
營進
皇無
地零

侵離案近刻作侵黎下同

侵離水出廣州晉興郡郡以太康中分鬱林置東至

臨塵案東近刻訛作得入鬱

水經注 卷四 三于鼎校

無會

重瀨

夫省


無變

由蒲

王都

融

勇外



此皆出日南郡西東入于海 案近刻重一西字又此十一字原本及近刻並

訛作經今考經文總上二十水見于後此乃注文體例 容容水在南垂名之以

次轉北也

右二十水從江已南至日南郡也 案二十近刻訛作三十又此十三字原本

及近刻並訛入注內考經文後云右禹貢山水澤地所在凡六十體例與此同今改正

嵩高為中嶽在潁川陽城縣西北

春秋說題辭曰陰含陽故石凝為山國語曰禹封九

山山土之聚也爾雅曰山大而高曰崧合而言之為

崧高分而名之為二室西南有少室東北有太室 案

有字近刻並作為 嵩高山記曰山下巖中有一石室云有自

水經注 卷四

然經書自然飲食又云山有玉女臺言漢武帝見因以名臺

泰山為東嶽在泰山博縣西北

岱宗也王者封禪于其山示增高也有金策玉檢之事焉

事焉

霍山為南嶽在廬江潛縣西南

天柱山也爾雅云大山宮小山為霍案為近刻作日開山圖

曰其山上侵神氣下固窮泉

華山為西嶽在弘農華陰縣西南

古文之惇物山也

雷首山在河東蒲坂縣東南

砥柱山在河東大陽縣東河中

王屋山在河東垣縣東北也案垣下原本及近刻並衍曲字今刪

昔黃帝受丹訣于是山也

太行山在河內野王縣西北

王烈得石髓處也

恒山為北嶽在中山上曲陽縣西北

碣石山在遼西臨渝縣南水中也

大禹鑿其石夾右而納河案夾右近刻訛作右夾秦始皇漢武

帝皆嘗登之海水西侵歲月逾甚而苞其山故言水中矣

析城山在河東濩澤縣西南

太嶽山在河東永安縣

壺口山在河東北屈縣東南

龍門山在河東皮氏縣西

梁山在馮翊夏陽縣西北河上

荆山在馮翊懷德縣南

岐山在扶風美陽縣西北

汧山案近刻訛作關山在扶風汧縣之西也

隴山終南山惇物山在扶風武功縣西南也

西頃山案近刻脫西字頃音傾在隴西臨洮縣西南

禹貢中條山也

嶓冢山在隴西氐道縣之南

南條山也

鳥鼠同穴山在隴西首陽縣西南

鄭玄曰鳥鼠之山有鳥焉與鼠飛行而處之又止

而同穴之山焉是二山也鳥名為餘似鷄而黃黑色鼠如家鼠而短尾穿地而共處鼠內而鳥外孔安國曰共為雌雄杜彥達曰同穴止宿養子互相哺食長大乃止張晏言不相為牝牡故因以名山

積石在隴西河關縣西南

山海經云山在鄧林東河所入也

案山海經郭璞注引此為水經之文

其注乃後人所託不足據證

都野澤在武威縣東北

縣在姑臧城北三百里東北即休屠澤也古文以為

豬野也其水上承姑臧武始澤澤水二源東北流為

一水逕姑臧縣故城西

案近刻脫選字

東北流水側有靈淵

池王隱晉書曰漢末博士燉煌侯瑾善內學語弟子

曰涼州城西泉水當竭有雙闕起其上

案近刻脫起字

至魏

嘉平中武威太守條茂起學舍築闕于此泉太守填

水造起門樓與學闕相望泉源徙發重導于斯故有

靈淵之名也澤水又東北流逕馬城東城即休屠縣

之故城也本匈奴休屠王都謂之馬城河又東北與

橫水合水出姑臧城下武威郡涼州治地理風俗記

水經注 卷四 三子鼎校

曰漢武帝元朔三年改雍曰涼州以其金行土地寒

涼故也遷于冀晉徙治此王隱晉書曰涼州有龍形

故曰臥龍城南北七里東西三里本匈奴所築也及

張氏之世居也案及近刻說作乃又增築四城箱各千步東

城殖園果命曰講武場北城殖園果命曰玄武圃皆

有宮殿中城內作四時宮隨節游幸并舊城為五街

衢相通二十二門大繕宮殿觀閣采綺妝飾擬中夏

也其水側城北流注馬城河河水又東北清澗水入

焉俗亦謂之為五澗水也水出姑臧城東而西北流

注馬城河河水又與長泉水合水出姑臧東指次縣

王莽之播德也西北歷黃沙阜而東北流注馬城河

又東北逕宣威縣故城南又東北逕平澤晏然二亭

東又東北逕武威縣故城東漢武帝太初四年匈奴

渾邪王殺休屠王以其眾置武威縣武威郡治案近刻脫

治字王莽更名張掖地理志曰谷水出姑臧南山北至

武威入海屆此水流兩分一水北入休屠澤俗謂之

為西海一水又東逕百五十里入豬野世謂之東海

通謂之都野矣

水經注 卷四

合離山在酒泉會水縣東北

合黎山也

流沙地在張掖居延縣東北

居延澤在其縣故城東北案近刻脫北字尚書所謂流沙者

也形如月生五日也弱水入流沙流沙與水流行

也案沙與水近刻脫沙字亦言出鍾山西行極崦嵫之山在西

海郡北山有石赤白色以兩石相打則水潤打之不

已潤盡則火出山石皆然炎起數丈逕日不滅有大

黑風自流沙出奄之乃滅其石如初言動火之事發

疾經年故不敢輕近耳流沙又逕浮渚歷壑市之國

又逕于烏山之東朝雲國西歷崑山西南出于過瀛

之山大荒西經云西南海之外流沙出焉逕夏后開

之東案近刻脫此二字開上三嬪手天得九辯與九歌焉又

歷員丘不死山之西案近刻脫此二字入于南海

三危山在燉煌縣南

山海經曰三危之山三青鳥居之是山也廣圓百里

在鳥鼠山西即尚書所謂竄三苗于三危也春秋傳

曰允姓之姦居于瓜州瓜州地名也杜林曰燉煌古

瓜州也州之貢物地出好瓜民因氏之瓜州之戎并

于月氏者也漢武帝元鼎六年案此四字近刻分酒

泉置南七里鳴沙山故亦曰沙州也案此四字近刻

朱圉山在天水北冀城南案城近刻

卽冀縣山有石鼓開山圖謂之天鼓山九州害起則

鳴有常應又云石鼓山有石鼓于星爲河鼓星動則

石鼓鳴石鼓鳴則秦土有殃鳴淺殃萬物鳴深則殃

君王矣

岷山在蜀郡湔氐道西

漢書以爲瀆山者也

熊耳山案近刻說在弘農盧氏縣東案近刻

是山也穀水出其北林也

荆山在南郡臨沮縣東北

東條山也下和得玉璞于是山楚王不理懷璧哭于

其下王後使玉人埋之案近刻脫所謂和氏之玉焉

內方山在江夏竟陵縣東北

禹貢注章山也

大別山在廬江安豐縣西南

外方山崧高是也

桐柏山在南陽平氏縣東南

陪尾山在江夏安陸縣東北

衡山在長沙湘南縣南

禹治洪水血馬祭衡山于是得金簡玉字之書按省

玉字得通水理也

九江地在長沙下雋縣西北

雲夢澤在南郡華容縣之東

東陵地在廬江金蘭縣西北

敷淺原地在豫章歷陵縣西

彭蠡澤在豫章彭澤縣西北

案近刻脫西字

尚書所謂彭蠡既豬陽烏攸居也

中江在丹陽蕪湖縣西南

案近刻脫西字

東至會稽陽羨縣入

于海

震澤在吳縣南五十里

北江在毗陵北界東入于海

澤陽山在下邳縣之西

羽山在東海祝其縣南也

縣卽王莽之猶亭也尚書殛鯀于羽山謂是山也山
西有羽淵禹父之所化其神爲黃熊以入淵矣故山
海經曰洪水滔天鯀竊帝之息壤以堙水不待帝命
帝令祝融殺鯀羽郊者也

陶丘在濟陰定陶縣之西南

陶丘丘再成也

荷澤在定陶縣東

雷澤在濟陰成陽縣西北

蒗水在山陽湖陸縣南

蒙山在太山蒙陰縣西南

大野澤在山陽鉅野縣東北

大邳地在河南成臯縣北

爾雅曰山一成謂之邳然則大邳山名非地之名也

明都澤在梁郡睢陽縣東北

益州沱水在蜀郡汶江縣西南其一在郫縣西南皆還

入江

荊州沱水在南郡枝江縣

三澨地在南郡邛縣北沱

案原本及近刻並訛作三澨地之南在邛縣之北考邛縣

地理志南郡之屬縣孟康曰音忌又注稱經云邛縣北沱可據以訂經之訛舛今改正

尚書曰導漢水過三澁地說曰沔水東行過三澁合

流觸大別山阪案近刻訛作阪故馬融鄭玄王肅孔安國等

咸以為三澁水名也許慎言澁者埤增水邊土人所

止也按春秋左傳文公十有六年楚軍次于句澁以

伐諸庸宣公四年楚令尹子越師于漳澁定公四年

左司馬成敗吳師于雍澁昭公二十三年司馬蕞越

縊于蕞澁服虔或謂之邑又謂之地京相璠杜預亦

云水際及邊地名也今南陽清陽二縣之間清水之

濱有南澁北澁矣而諸儒之論水陸相半又無山源

出處之所津途關路惟鄭玄及劉澄之言在竟陵縣

界經云邛縣北沱然沱流多矣論者疑焉而不能辨

其所在

右禹貢山水澤地所在凡六十

水經注卷四十

